

ꦏꦸꦧꦸꦥꦠꦺꦤ꧀ꦏꦫꦁꦱꦺꦩ꧀

AWIG-AWIG

ꦒꦏꦠꦱꦩꦫꦩꦤꦱꦶꦧꦺꦠꦤ꧀

DÉSÀ PAKRAMAN SIBĒTAN



ꦏꦺꦴꦩꦠꦤ꧀ꦧꦺꦧꦤꦺꦩ꧀

KĒCAMATAN BĒBANDĒM

ꦏꦧꦸꦥꦠꦺꦤ꧀ꦏꦫꦁꦱꦺꦩ꧀

KABUPATĒN KARANGASĒM

MURDDHA WAKYA

ONG Swastyastu.

Pūrwwa pangastungkān tityang Krama Désa Sibētan, ring buk pādan Ida Sanghyang Widhi maka sangkan paraning dumadi, bhaṭāra-bhaṭāri sané malinggā ring Pura Pusēh Sibētan, minakadi pura kahyangan sami sané wéntēn sajroning wawēngkon Désa Sibētan, dwaning malarapan saking krēttā warā nugrahan pāduka Bhaṭāra Samudhaya, kāryya puniki kasiddhan puput.

Kaping kalih hatur angayubagyan tityang krama Désa Sibētan, pingajēng ring Ida Padaṇḍa-padaṇḍa, ida sang numaga pingajēng désa, ida dane para panglingsir, Kliyang, Pamangku, minakadi ida dane sang maraga céṣṭakāra, widagha prajñā wicakṣaṇa sarēng sami, sané sampun sangkaning swéccha lédang sarēng mapawangun ngripta ugēr-ugēr marūpa awig-awig Désa Pakraman Sibētan puniki, pacang kānggén sēpat siku-siku sajroning désa kantos ka hungkur wēkas.

Talēr majēng ring Pamrintah Daérah Kabupatén Karangasem, para manggala sané mastika ngiwang patutang awig-awig, tityang ngaturang pangayu bagya, dwaning sampun kasiddhan nuréksa maritētēs sahā mastikā, kantos marūpa puput.

Mungging daging ipun mānūt Tri hita Kāraṇa, indik kahyangan gēnah ngadisthana Ida Sanghyang Parama Wiśēsa. Indik pawongan pinaka krama désa, indik palēmahan pinaka wawidhangan wawēngkon désa, maḃantang antuk lēkita śāstrā-gama, śāsana, paswara, drēṣṭa, minakadi sané sawosan, sané hanūt ring pamarggin dharmma agama kālih dharmma nāgara. Dumadak kasiddhan mamangguhang kajagaddhitan sakala niskala.

ONG Śanti Śanti Śanti, ONG.

**DAGING AWIG-AWIG
DĒSA PAKRAMAN SIBĒTAN**

MURDDHA CITTA	i
PRATAMA SARGGAH : HARAN LAN WAWIDANGAN DESA	1
DWITYA SARGGAH : PIKUKUH LAN PATITIS TATUJON	2
TRITYA SARGGAH : SUKĒRTHA TATA PAKRAMAN	3
Palêt 1 : Indik Krama	3
Palêt 2 : Indik Prakanggĕn Dĕsa	9
Palêt 3 : Indik Sangkĕpan uthawi Paruman, miwah Pasamuhan...	12
Palêt 4 : Indik Kulkul	15
Palêt 5 : Indik Padruwĕyan Dĕsa Pakraman Sibĕtan	16
Palêt 6 : Indik Laluputan	20
Palêt 7 : Indik Dadosan Patĕdunan	21
Palêt 8 : Indik Bhaya	22
Palêt 9 : Indik Rarampagan	22
Palêt 10 : Indik Pañanggran Bañjar, Krama Dĕsa	23
CATHURTA SARGGAH : SUKĒRTHA TATA PALĒMAHAN	23
Palêt 1 : Indik Tĕgal, Bangkĕt lan Karang	23
Palêt 2 : Indik Kakayonan	26
Palêt 3 : Indik Wawangunan	28
Palêt 4 : Indik Wawalungan	30
PANCAMA SARGGAH : SUKRĒTHA TATA AGAMA	33
Palêt 1 : Indik Dĕwa Yajña	33
Ka ping 1 : Indik Kahyangan	33
Ka ping 2 : Indik Pangaci-aci	34
Ka ping 3 : Indik Pamangku, Buyut, Kabayan	40
Ka ping 4 : Indik Sukrĕtan Pura Kahyangan	42
Ka ping 5 : Indik Cuntaka, Sosot	44
Palêt 2 : Indik Rĕsi Yajña	48
Palêt 3 : Indik Pitra Yajña	49
Palêt 4 : Indik Manusa Yajña	53
Palêt 5 : Indik Bhuta Yajña	53
SAT SARGGAH : SUKĒRTHA TATA PAWONGAN	54
Palêt 1 : Indik Rangkat	54
Palêt 2 : Indik Bĕlas Makurĕnan uthawi Ñapiyan	56
Palêt 3 : Indik Balu	56
Palêt 4 : Indik Santana	57
Palêt 5 : Indik Warisan	58
SAPTAMA SARGGAH : WICARA LAN PAMIDANDHA	59
Palêt 1 : Indik Wicara	59
Palêt 2 : Indik Pamidandha	59
ASTAMA SARGGAH : NGUWAH-NGUWUHIN AWIG-AWIG	60
NAWAMA SARGGAH : PAMUPUT	61

PRATHAMA SARGAH
HARAN LAN WAWIDANGAN DÉSA

Pawos 1

1. Désa puniki mawasta "Désa Pakraman Sibetan", salantur ipun kinucap kalih kasuratang sajroning lèkita "Désa Sibetan".
2. Wawèngkon prabumyan Désa Sibetan mawanèng ñatur désa, manut sakadi kinucap ring sor puniki:
 - ha. Tèpi siring Kangin : panèpin Désa Macang, Bèbandëm, Nangka.
 - na. Tèpi siring Kèlod : panèpin Désa Ngis, Sèlumbung, Bakung.
 - ca. Tèpi siring Kawuh : penèpin Désa Putung, Duda, Karangsari.
 - ra. Tèpi siring Kalér : Gunung Agung.
3. Sajroning wawèngkon Désa Sibetan, wéntèn té npékan, swaka-swaka, bañjar adat, lwiré:
 - ha. Tinggi Kangin.
 - na. Tinggi Kawuh.
 - ca. Tinggi Kalér.
 - ra. Tinggi Kèlod.Swaka uthawi pragunung:
 - ha. Pangi matunggalan sarèng Jabah.
 - na. Untalan sarèng Pèsagi.
 - ca. Yéh Kori.
 - ra. Kahumbang.
 - ka. Nampo Kangin.
 - da. Nampo Kawan.
 - ta. Krésék.
 - sa. Crobaka.
 - wa. Galih.

Mungwing wawatēsan swaka kahélingang saha katulingayang antuk swaka punika sowang-sowang.

Bañjar Adat kalih daśa bañjar, lwiré:

ha. Bañjar Krētég.	ma. Bañjar Abyantihing.
na. Bañjar Triwangśa.	ga. Bañjar Yéh -bunga.
ca. Bañjar Tēngah.	ba. Bañjar Mumbul.
ra. Bañjar Mantri.	nga. Bañjar Panglég.
ka. Bañjar Tēlutug.	pa. Bañjar Batuhampin.
da. Bañjar Pēngawan.	ja. Bañjar Nampo.
ta. Bañjar Kuṭabali.	ya. Bañjar Kubu-pangi.
sa. Bañjar Tēlaga.	ña. Bañjar Yéh-kori.
wa. Bañjar Dukuh.	ha.ha. Bañjar Untalan.
la. Bañjar Karangañar.	ha.na. Bañjar Galih.

DWITYA SARGAH

PIKUKUH LAN PATITIS TATUJON

Pawos 2

Maka pikukuh, Déśa Pakraman Sibetan, ngarajégang, mikukuhin, kalih mitindihin pisan:

1. Pancasila.
2. Undang-undang Dasar 1945.
3. Tri Hita Karana.

Pawos 3

Déśa Pakraman Sibetan ngamanggéhang patitis tatujon, lwiripun:

1. Ngutamayang tata cara maagama Hindu.

2. Ngawangunang katrèptian sajroning Désa Pakraman, mangda kasiddhan rajëg katrèptyaning praja.
3. Ngawrëdiyang kawicaksanan minakadi kaprajñanan maka larapan gumawé gëmuh landuhing praja.
4. Ngawrëdiyang padrëwéyaning désa, majalaran kawicakşanan guna lakşana manut dharma prawrëti.
5. Ngarajëgang dharma agama miwah dharma nāgara.

TRITYA SARGAH

SUKERTA TATA PAKRAMAN

Palët 1

Indik Krama

Pawos 4

1. Sané kasinangah Krama Désa minakadi warga Désa Pakraman Sibëtan, Iwiré :
 - ha. Sang sapisira hugi jënëk magënah ring wawëngkon Désa Pakraman Sibëtan lintang ring tigang śasih uthawi 105 dina, sané rajëg māgama Hindu.
 - na. Sang sapisira hugi wëd saking Désa Pakraman Sibëtan, jënëk magënah ring dura désa liwaring Désa Sibëtan, nanghing kantun mipil ring salah sanunggal Swaka, bañjar sané wëntën sajroning Désa Sibëtan, sané mula pagënahanya ngumi.-
2. Papalihan krama désa, minakadi warga désa, kadi hinucap ring sor puniki :
 - ha. Nëgak makrama désa, malarapan antuk ugamël ngélingang kalih mrëtingkah laba pura buktiu désa. Mawilang 20 diri kabawos Pan Śri, mawëwëh kalih diri, Këliang Désa, miwah Pañarikan. Sané sawosan kinucap sasabu.

- na. Krama mabañjar désa, pinaka krama ring bañjar désa sané wéntèn sajroning wawèngkon Désa Sibetan, dados pètang tinggi sowang-sowang mawasta Tinggi Kangin, Kauh, Kalér, Kèlod. Talèr sangkaning ngayahang tanah abyan miwah tègal. Mawilang sowang-sowang tinggi 20 diri. Sané sawosan kinucap sasabu.
- ca. Krama pragunung krama maswaka. Sang sapisira sané ngènahin, ngélingang tanah-tanah ring pragunung, sané mula kadruwé antuk Désa Sibetan.
- ra. Krama pañada, krama désa sané sampun tan kèni ayahan, lwiré:
1. Sangkaning kakundulan. Sané wèngang ñundul santana mwani sané pinih rihin makurènan.
 2. Mabukti sungkan rahat, tur tan sidha waras.
 3. Antuk lingsir tan siddha maayahan, sasampun mayusa lintang ring 70 tahun.
- ka. Krama balu: krama désa lanang wiyadin is ri, sané katinggal séda antuk rabinya. Krama désa lanang kakawonin ñapyan antuk rabiné. Wéntèn balu camput, wéntèn balu masantana.
- da. Krama ring dura désa: sang sapisira hugi wèd saking Désa Pakraman Sibetan, jènèk magènah ring dura désa liwaring Désa Pakraman Sibetan, nanghing manggèh mipil ring bañjarnya nguni.
- ta. Sajaba sané kinucap ring hajèng, sang sapisira hugi wèd kalih jènèk ring wawidangan Désa Sibetan kasinangah warga désa.
3. Krama tanyu, inggih punika krama sané kinucap kadi ring sor puniki:
- ha. Sang sapisira hugi saking dura désa liwaring Désa Sibetan, jènèk magènah ring wawèngkon Désa Pakraman Sibetan, tan ngawèngku karang pomahan, madadunung ring pomahaning krama désa, magènah ring pomahan druwèn guru wisésa, hotèl miwah saluwiripun, lintang ring tigang sasilih uthawi 105 dina.

- na. Sang sapisira hugi wēd saking liwaring Désa Pakraman Sibetan, makakubon ngēnahin palēmahan tēgal, carik, pālasan, ring wawēngkon Désa Sibetan, nanging kari maṅggēh makrama désa ring kamulan désanya, kabuktinyang antuk surat sasinahan saking kēliang désanya.
 - ca. Sang sapisira hugi jēnēk magēnah ring wawēngkon Désa Pakraman Sibetan, yan tan maagama Hindu, talēr sinangguh tamiyu, tan sarēng sapaalikramaning agama Hindu.
4. Tamiyu ngajag; Sang sapisira hugi rawuh ka jroning Désa Pakraman Sibetan, nanging tan nēkēh magēnah ring désa Sibetan, awanan sajroning arahina ring awēngi, sang ngrakša patut matur supékša ring Prakanggén Désa, kalih ring sang amawa rāt. Yan tan asapunika, prakanggén désa wēnang nundung janma hinucap mangda matinggal saking désa punika.

Pawos 5

Ngawit tēdun makrama désa, ring Désa Pakraman Sibetan:

1. Krama désa sané mawēd kalih jēnēk ring wawēngkon Désa Pakraman Sibetan, mipil ring tēmpékan bañjar, swaka sané wéntēn jroning Désa Sibetan, malarapan antuk tatēragan bañjar, tēmpékan, swaka sangkaning sampun bulangkēp marabi saha sampun mawidi widhana wiwāha.
2. Sang sapisira hugi wēd saking dura désa, magēnah ring wawēngkon Désa Pakraman Sibetan, sampun lintang ring tigang sasih uthawi 105 dina, katērag antuk bañjar sané ngawawa pagēnahanya, pinaka warga désa, uthawi krama tamiu.
3. Krama désa wēd saking Désa Pakraman Sibetan, matinggal ka dura désa, wastu malih mawali ka Désa Pakraman Sibetan:
 - ha. Yan sangkaning rahayu kalih saking palugrahan Prakanggén Désa patinggalé nguni, wēnang mawali mipil ring bañjar sinalih tunggal sané wéntēn jroning Désa Pakraman Sibetan, nganutin sukrētan tēmpékan bañjar, swaka punika sowang;

na. Yan sangkaning tan rahayu patinggalé nguni, yogya Kéliang Tinggi, bañjar, swaka sané katuju, ngatengahang babawosé ka désa, mangda kabawosan antuk prakanggén désa, yan katinutin tatēpasan prakanggén désa punika, tur kacihnayang antuk maguru piduka ring Pura Pusēh Sibetan, uthawi sinalih tunggal Kahyangan Désa Sibetan, prasiddha kalugra mipil pinaka krama Désa Pakraman Sibetan, uthawi warga Désa Sibetan.

Pawos 6

Husan makrama désa ring Désa Pakraman Sibetan, malarapan antuk:

1. Séda.
2. Sangkaning pinunas ngaraga, saba polih palugrahan Prakanggén Désa Pakraman Sibetan.
3. Tédah uthawi tilar saking Agama Hindu.
4. Kasépé kang saha kahēladang antuk Désa Pakraman Sibetan.

Pawos 7

1. Swadharmmaning krama désa
 - ha. Sané nēgak makrama désa, malarapan antuk ngélingang, ngamēl, mratingkah tanah palabha pura buktin désa, mayahan sahurah-arih, manut kadi kinucap ring gagaduhan Désa Sibetan.
 - na. Sang mabañjar désa, hugi nganutin pasukērtan bañjar, minakadi témpékannya sowang-sowang, sané sampun mungguh sajroning Gagaduhan Désa Sibetan.
 - ca. Krama pragunung uthawi krama swaka, hugi satinut ring sukēta paswaran swakanya sowang-sowang, saha yogya saturut ring daging awig-awig, Gagaduhan Désa Sibetan.

- ra. Krama pañada, dados kaarahana pacang tédun ka désa, yan buat pacang mapapinéh, mababawos, ngawangun pangrancana salwiré, sané kabuwatang antuk Prakanggén Désa.
- ka. Krama sasabu yogya ngarombo saraja karya sané kapucukin antuk krama nĕgak makrama désa, krama mabañjar désa, yan wéntĕn pabuwat saking désa, kahunadikayang antuk Prakanggén Désa sowang-sowang.
- da. Krama balu lanang wiyadin istri, mapayahan asĕlé, keni tata turun cumĕk kĕlaning pahaci-haci ring désa. Kawĕkas yan okané lanang wiyadin istri sampun hantĕs mayahan, patut krama balu punika mayahan matata turun cumĕk, bulangkĕp antuk pianak.
- ta. Swadharmman sang kasinanggah warga Désa Sibĕtan, kapastikayang sajroning paswara pamutus pararĕm, saking hyun sang kasinanggah warga désa.
- sa. Krama désa ring dura désa, yogya ngaturang panahub ka désa ngamasa-masa, sanangkĕn Usabha Śrĭ, gung artha manut pangarggan bĕras 50 kilogram, talĕr ngaturang dĕna pawangunan ri tatkĕlaning désa mapawangun, ngayum wawangunan sané kadruwé antuk désa, gung artha manut paturunan krama désa.
- wa. Krama tamyu sané mĕgama Hindu, yogya ngaturang panahub ka désa ngamasa-masa, sanangkĕn Usabha Śrĭ, gung artha manut pangarggan bĕras 25 Kilogram. Minakadi ngaturang dĕna pawangunan, ri tatkĕlaning désa mapawangun, ngayum wawangunan, sané kadruwé antuk désa, gung artha manut sakasiddhan krama suka.
- la. Krama sané tan mĕgama Hindu, tan sarĕng sapolikramaning agama jroning désa, nanghing tan wĕnang piwal ring awig-awig, paswaran désa, miwah pamutus pararĕm désa, sané ngindikang tata pawongan kalih palĕmahan.

- ma. Krama désa samiyan yogya saturut ring daging Awig-awig Désa Sibĕtan, paswara miwah pamutus pararĕm désa, ngutsahayang mangda kasiddhan mapikolih sakadi patitis tatujon désané kinucap ring hayun, tumus mamanguhang kajagaddhitaning praja.
- ga. Krama désa sané pacang ngadol, ngantahang, masĕlangang, majĕgang, maséwayang palĕmahan carik, tĕgal, palasan miwah sané sawosan sané magĕnah sajroning wawidangan Désa Pakraman Sibĕtan, hugi mangda polih palugrahan saking Prakanggĕn Désa Sibĕtan. Yan tan polih palugrahan, yogya indiké punika kahandĕgang.
- ba. Sowang-sowang Krama Désa hugi mangda madruwé truna désa.
- nga. Yan wĕntĕn sinalih tunggal sang sapasira hugi saking dūra désa magĕnah ring wawidangan Désa Sibĕtan, tan makrama désa ring Désa Pakraman Sibĕtan, tan kalugra ngalakṣanayang Pañca Yajña ring wawidangan Désa Sibĕtan, tan kalugra ngangĕn salwiring druwĕn désa.
2. Phāla-pĕkṣaning krama désa :
- ba. Krama désa samiyan sajaba tamyu ngajag yogya polih pasayuban wiyadin pangōban saking désa, salwiring wyawaharanya yogya kabawosan antuk Prakanggĕn Désa, manut tata titining wyawahara wyadin wicara.
- na. Krama désa samiyan sajaba tamyu ngajag wĕnang ngalakṣanayang Pañca-yajña, sajroning Désa Pakraman Sibĕtan, manut désa kāla patra, śāstra agama, miwah nganutin sitan désa hinucap.
- ca. Krama désa nĕgak madésa, mabañjar désa, krama swaka, mangĕh ngĕlingang, ngamĕl, muponin tanah-tanah palabha pura Pusĕh Désa Sibĕtan saking nama katami manut Gagaduhan Désa Sibĕtan, wĕnang polih babagian layuban aci-aci salwiripun, twas-twasan, miwah sawosan sané patut katiba ring krama désa.
- da. Mapawangkid, ñaluk, tan tĕdun maayahan, yogya saking panglokikan kalih palugrahan Prakanggĕn Désa.

Palèt 2

Indik Prakanggén Désa

Pawos 8

Munggwing Prakanggén Désa sajroning Désa Sibetan, mapanta-panta kadi ring sor puniki:

1. Prakanggén Désa Sibetan, hugi saking krama nêgak madésa, lwiré:

ha. Kéliang Désa.

na. Pañarikan uthawi Tatindih.

ca. Sahing, punika pinaka juru raksa.

Sajaba sané kalih diri, inggih punika kéliang désa miwah pañarikan, kabawos krama désa mawéd, magilih pinaka kabayan manut pagilih mêtang témwang, saréng 20 diri.

2. Ring sowang-sowang témpékan, sané kabawos Tinggi Kangin, Kawuh, Kalér, Kêlod, wéntên prakanggé, lwiré:

ha. Tatinggi.

na. Pañarikan.

ca. Sahing.

Sajaba sané tigang diri, kabawos krama mabañjar désa, saréng 20 diri, pinaka krama sané kagilih saking krama bañjar désa.

3. Ring pragumung uthawi swaka, sowang-sowang, madruwé prakanggé, lwiré:

ha. Kéliang Swaka.

na. Pañarikan.

ca. Sahing.

4. Ring sowang-sowang bañjar adat, madruwé prakanggé, lwiré:

ha. Kéliang Bañjar.

na. Pañarikan.

ca. Sahing.

Pawos 9

1. Sané wéwang kahadégang wiyadin kamanggéhang dados Prakainggén Désa Sibetan lwiré:
 - ha. Krama négak madésa nuwéd, sané jènèk magènah, makrama désa matata turan sahurah-harih ring Désa Pakraman Sibetan;
 - na. Tan cédāngga, sakadi pécong, pérol, cungh, lan sapanunggilan ipun sané katandangin kabakta saking wahu hénbas;
 - ca. Wilkan mamawos kalih nūrat aksara Bali uthawi Latin;
 - ra. Mabukti tan nahén malaksaṇa corah.
2. Pidadab ngadégang Prakainggén Désa:
 - ha. Ngadégang Prakainggén Désa Sibetan, sanunggil Usabha Bangkak.
 - na. Lanuiné madég dados Prakainggén Désa Sibetan, saking ngawit pawintènané, kantos nēmu gétang Usabha Bangkaké, sajabā kapadgatakalan.
 - ca. Yan kapadgatakalan patut kagèntosin antuk sinalih tunggal sasčrod, wiyadin sinalih tunggal pasamētoman sané tunggal dadya tunggal siddhikara.

Pawos 10

Swadharmmaning Prakainggén Désa :

1. Midadababin désa, Krana désa, pacang ngupadi kajagaddhian sakala niskāla, maka darsaṇa Awig-awig Désa, Gagaduhan Désa, Purana Désa, Paswaran Désa, Pamutus Pararēni Désa, nganutin ugēr-ugēr nāgara minakadi kojaring śāstra agama Hindu.
2. Ngarančana salwiring sané nandang pacang wangumang, sané patut hayum, manut lokika désa kāla patra. Yan mabuwat pawanguné, maugda kasiddhan polih palugrahan guru wiśša.

3. Mamawosin salwiring wiwara sané wētu sajroning Désa Pakraman Sibetan, niwakang tatimbang, uthawi pamutus babawos sané yogya kaputusang sajroning désa pakraman. Yan tan kasiddhan kabawosan ring désa, prakanggén désa mitudhang mangda ngaturang ring guru wisésa mangda kabawosan.
4. Mratyakša, nulingayang saparipolah prajuru désa, Iwiré: Tatinggi, Kliang Swaka, Kliang Bañjar Adat, Kéliang Subak, Kéliang-kéliang Pamakšan, Pamangku Désa, Puséh miwah Dalēm, minakadi sané sawosan sané wéntèn sajroning wawéngkon Désa Pakraman Sibetan.
5. Midabdabin salwiring pamarggin haci-haci ring Désa Pakraman Sibetan, talër nulingayang krama désa indiké ngalakṣaṇayang Pañca-yajña.
6. Prakanggén désa wēnang ñanggra salwiring pituduh, minakadi saraja karyya saking guru wisésa, wērat uthawi ringan, sané yogya katiwak ring Désa Pakraman.
7. Ñanggra saraja karyya ri tatkāla kāryya Agung ring Pura Basakih, salwiré sané patut ñandang pacang rawuh ka Désa Pakraman.
8. Pinaka dutta pacang matēmuwang babawos ring sang sapisira hugi, yan painedikan punika kapinēh ñandang pacang margginin.
9. Wēnang ngawangunang langlang désa, sané patut ngalanglangin sarāja karyyan désa, nulinga katrēptyan sawawéngkon Désa Pakraman Sibetan. Minakadi ngawangun prajuru sane kabuwatang antuk désa pacang ngalakṣaṇayang sarāja kāryyan désa.
10. Prakanggén Désa patut mawintēn majaya-jaya ring Pura Puséh Désa Pakraman Sibetan. Déwaśa pawintēnan manut pamutus Pasamuhan Désa ri tatkāla ngadēgang Prakanggén Désa inucap.

3. Mamawosin salwiring wiwara sané wĕtu sajroning Désa Pakraman Sibĕtan, niwakang tatimbang, uthawi pamutus babawos sané yogya kaputusing sajroning désa pakraman. Yan tan kasiddhan kabawosan ring désa, prakanggĕn désa mituduhang mangda ngaturang ring guru wisĕsa mangda kabawosan.
4. Mratyakṣa, nulingayang saparipolah prajuru désa, lwirĕ: Tatinggi, Kliang Swaka, Kliang Bañjar Adat, Kĕliang Subak, Kĕliang-kĕliang Pamakṣan, Pamangku Désa, Pusĕh miwah Dalĕm, minakadi sané sawosan sané wĕntĕn sajroning wawĕngkon Désa Pakraman Sibĕtan.
5. Midabdabin salwiring pamarggin haci-haci ring Désa Pakraman Sibĕtan, talĕr nulingayang krama désa indiké ngalakṣanayang Pañca-yajña.
6. Prakanggĕn désa wĕnang ñanggra salwiring pituduh, minakadi saraja karya saking guru wisĕsa, wĕrat utbawi ringan, sané yogya katiwak ring Désa Pakraman.
7. Ñanggra saraja karya ri tatkāla kāryya Agung ring Pura Basakih, salwirĕ sané patut ñandang pacang rawuh ka Désa Pakraman.
8. Pinaka dutta pacang matĕmuwang babawos ring sang sapisira hugi, yan paindikan punika kapinĕh ñandang pacang margginin.
9. Wĕnang ngawangunang langlang désa, sané patut ngalanglangin sarāja karyaan désa, nulinga katrĕptyan sawawĕngkon Désa Pakraman Sibĕtan. Minakadi ngawangun prajuru sane kabuwatang antuk désa pacang ngalakṣanayang sarāja karyaan désa.
10. Prakanggĕn Désa patut mawintĕn majaya-jaya ring Pura Pusĕh Désa Pakraman Sibĕtan. Déwaśa pawintĕnan manut pamutus Pasamuhan Désa ri tatkāla ngadĕgang Prakanggĕn Désa inucap.

Pawos 11

Phalapékṣaning Prakanggén Désa:

1. Ngamél, ngélingang, kalih mratingkah tanah labha pura miwah buktin désa, lwirè: buktin kawung, seka gambang, palugangsa, hundagi Dalém, tanah-tanah ayah désa minakadi karang désa sané kasuksara ring Prakanggén Désa, manut Gagaduhan Désa Sibetan.
2. Wénang polih tuwas-tuwasan, sané patut katiba ring Prakanggén Désa.
3. Miwah sané sawosan manut kojaring Gagaduhan Désa Sibetan, minakadi Purana Désa Sibetan.

Pawos 12

Prakanggén Désa, kagëntosin uthawi husan, majalaran antuk :

1. Séda;
2. Mabukti sungkan rahat tur suwé, kantos tahunan.
3. Mapinumas sangkaning rahayu, saha polih palugrahan saking Pasamuhan Désa Sibetan.
4. Majalaran tutug séngkër pangadégé.
5. Sangkaning kahusanang antuk Paruman uthawi Pasamuhan Désa majalaran wyawahara.

Palèt 3

Indik Sangkëpan Uthawi Paruman, Miwah Pasamuhan

Pawos 13

1. Mungging sangkëpan uthawi paruman Désa Pakraman Sibetan sanunggil dina Buda Wagé, ngaśasih, magènah ring Pusèh Désa Sibetan. Sané wénang nędunin sangkëpan punika:

ha. Sang nĕgak makrama dĕsa, sangkĕp magĕnah ring Balĕ Mañca-gina. Pinaka manggala mababawosan Kĕliang Dĕsa Sibĕtan.

na. Krama mabañjar dĕsa, sowang-sowang tinggi, lwirĕ Tinggi Kangin, Kawuh, Kalĕr, Kĕlod, sangkĕp magĕnah ring balĕ pasangĕpan tinggi. Pinaka manggala mababawosan Tatinggi sowang-sowang.

2. Munggwing sangkĕpan uthawi paruman Dĕsa Pakraman Sibĕtan sanunggil dina Raditĕ Pwon, ngasasih, magĕnah ring Pusĕh Dĕsa Sibĕtan. Sanĕ wĕnang nĕduuin sangkĕpan punika:

Prakanggĕn dĕsa, minakadi Prakanggĕn Tinggi, sarĕng limolas diri. Maka manggala Kĕliang Dĕsa Sibĕtan.

3. Pasamuhan Dĕsa Pakraman Sibĕtan, kawĕntĕnang sasor ipun ngalih masa, dados kawĕntĕnang padgatakāla, manut wĕrat pidabdab sanĕ pacang kabawosang. Sanĕ patut nĕduuin, lwirĕ:

ha. Prakanggĕn Dĕsa Pakraman Sibĕtan.

na. Prakanggĕn Tinggi, maka pĕtang tinggi.

ca. Prakanggĕn Swaka, maka solas swaka.

ra. Kĕliang-Kĕliang Pamakṣan Pura Dĕsa.

ka. Kĕliang-Kĕliang Subak.

da. Kĕliang-Kĕliang Bañjar Adat.

ta. Kĕliang Dĕha Truṇa Dĕsa.

sa. Sang sapisira hugi sanĕ kabuwatang manut panuhur wyadiu pangundang

Prakanggĕn Dĕsa Sibĕtan.

Gĕnah Pasamuhan Dĕsa punika ring Pusĕh, uthawi gĕnah sawosan. Kĕliang Dĕsa maka manggala mababawosan.

4. Sangkĕpan Subak magĕnah ring Pusĕh. Sangkĕpan tĕmpĕk, ring tĕmpĕkanya sowang-sowang.

5. Sangkĕpan bañjar adat, ring bañjanya sowang-sowang.

6. Sangkĕpan swaka ring swakanya sowang-sowang.

7. Sangkep Panaksan Pura, ring Pura sané kalimpouin antuk panaksan punika.
8. Sangkep sèkèha-sèkèha sawosan magènah ring balénya sowang-sowang.
9. Sangkep Panaksan Jro Gèdè, magènah ring Pura Lampuwan.

Pawos 14

Tata kramaning sangkepau uthawi paruman, miwah pasamuhan:

1. Sayā patut makta pasayaan, tégèp hétéh-étéh pasayaan salwir ipun, minakadi haturan canang panaracak, saha paségèh, manut drèṣṭa kuna.
2. Yan kapatut pacang nganggen babantèn sakabwatan, Prakanggén Désa, yogya mituduhang mangda cumawis, saha ñuksrahang padagingan ring sang kapituduh makaryya babantèn ika.
3. Sayā wénang nèpèk têngèran sapisan sadurung ngawitin sangkep, ngararis ngèmbakang sèngsèng janggi, ngraris haturan punika kahautèbang, mabriyuk muṣpa sarèng sanni. Ngraris inababawosan kantos puput.
4. Babawosan sajroning sangkepau wiyadin pasamuhan, hugi ngupadi karahayon jagat, minakadi ngarajégang kamuruban Sang Hyang Widhi, majalaran bhawa lakṣana manut catur drèṣṭa lwir ipun: désa drèṣṭa, loka drèṣṭa, kuna drèṣṭa, miwah śâstra drèṣṭa.
5. Yan wéntèn sinalih tunggal krama ngatèngahang babawos, jroning sangkepau, yogya kadamyakang. Yan ñandang bawosin, yogya rinawosau. Yan tan ñandang bawosin, hantukang ring sang ngamimitiu.
6. Sané kinucap pamutus babawos, wiyadin paswara jroning sangkepau, paruman minakadi pasamuhan, yan briyuk sapanggul hanut sang ñangkepau, yan tan sapunika, asing akéhan wénang turut manut panglokika. Pamutus babawos yogya kalèkitayang, kalakṣanayang manut hanggèran ipun.
7. Yan tan puput babawosé sajroning sangkepau kantos ping tiga sangkepau, patut katèngahang ka jroning pasamuhan, pamutus babawos sajroning pasamuhan pinaka pamutus pamèkas.

8. Sangkèpan punika kabawos sampun puput, yan sampun nimbang hurak pagilih sayâ, saha sampun mabacak.-

Palèt 4

Indik Kukul

Pawos 15

1. Sajroning wawengkon Désa Sibetan, wéntèn babacakan kukul, kadi ring sor puniki:
 - ha. Kukul Désa;
 - na. Kukul Pura, kabawos kukul pamaksan;
 - ca. Kukul banjar;
 - ra. Kukul sèkèha-sèkèha sawosan.
2. Mungging swaran kukul punika mangda mabhina-bhinayan, sawiji sowang, manut sor singgih. Yan wéntèn swaran kukul patèh, karun wiyadin sawèr, mangda kapastika salah sawiji antuk sang madruwé.
3. Nèpèk kukul manut Tri Brata Sandhi: dharmma, śima, lakṣaṇa. Tègès ipun :
 - ha. Dharmma: swaran kukul maka cihna wiyadin tatèngèr upacāra Agama wiyadin yajña.
 - na. Śima : swaran kukul maka cihna wiadin tatèngèr pañca-bhaya.
 - ca. Lakṣaṇa : swaran kukul maka cihna wiadin tatèngèr patèdunan.
4. Indik tatèpèkan kukul manut pasobhaya, kuna drēṣṭa, minakadi paswara.
5. Hunggwan nèpèk kukul:
 - ha. Yan nèpèk kukul tatèngèr patèdunan, hugi kukul sané kadruwé antuk sèkèha, krama, sané pacang tédun, katèpèk antuk sang patut ngukulang.
 - na. Yan nèpèk kukul tatèngèr pañca-bhaya, wèngang sahunggwan-ungguan, asing nampèk gènahé. Wèngang katèpèk antuk sang rihinan manggihin bhaya punika, minakadi saking patuduh sang ngawiwèngang.

- ca. Yan nĕpĕk kulkul tatĕngĕr upacāra Agama, Dĕwa Yajña, Bhuta Yajña, Mānuṣa Yajña, Pitra Yajña, wĕnang kulkul sané wĕntĕn ring sowang-sowang gĕnah upacārané. Yan ñĕlang kulkul sawosan patut wĕntĕn palugrahan sang ngawiwĕnangang.
- ra. Yan kĕlating ngalungayang Bhaṭāra, mĕndhak Bhaṭāra, Bhaṭāra turun kabĕh, kĕlanning pacaruwan dĕsa, sami kulkulé sajroning dĕsa dados swarayang, tatĕpĕkan manut krama.
- ka. Yan wĕntĕn sianalih tunggal mamurug, nĕpĕk kulkul tan manut krama, yoga kabawosan antuk Prakanggĕn Dĕsa, katiwakan panglokika, saha pamidaṅdha manut paswara.

Palĕt 5

Padruwĕyan Dĕsa Pakraman Sibĕtan

Pawos 16

1. Palĕmahan marupa carik, tĕgal, palasan, manut sané mungguh sajroning Gagaduhan Dĕsa Sibĕtan, minakadi lĕkitan tanah punika.
2. Palĕmahan sané kahanggĕn karang pomahan, saha tlajakan, sané kinucap karang tatuwĕkan dĕsa, sané mungguh sajroning Gagaduhan Dĕsa Sibĕtan.
3. Palĕmahan sané kanggĕn marggi, rurung, sĕtra, bañjar, karang pura, karang subung.
4. Pura Kahyangan Iwiré:
 - ha. Kahyangan ring Mĕru Pusĕh Dĕsa Sibĕtan.
 - na. Kahyangan ring Bangkak.
 - ca. Kahyangan ring Tista.
 - ra. Kahyangan Gaduh.
 - ka. Kahyangan ring Sĕga.
 - da. Kahyangan ring Krĕtĕg, uthawi Pamakṣan Bangkak.

- ca. Yan nĕpĕk kulkul tatĕngĕr upacāra Agama, Déwa Yajña, Bhuta Yajña, Mānuṣa Yajña, Pitra Yajña, wĕnang kulkul sané wĕntĕn ring sowang-sowang gĕnah upacārané. Yan ĩĕlang kulkul sawosan patut wĕntĕn palugrahan sang ngawiwĕnangang.
- ra. Yan kālaning ngalungayang Bhaṭāra, mĕndhak Bhaṭāra, Bhaṭāra turun kabĕh, kālaning pacaruwan désa, sami kulkulé sajroning désa dados swarayang, tatĕpĕkan manut krama.
- ka. Yan wĕntĕn sianalih tunggal mamurug, nĕpĕk kulkul tan manut krama, yogya kabawosan antuk Prakanggĕn Désa, katiwakan panglokika, saha pamidaṇḍha manut paswara.

Palĕt 5

Padruwéyan Désa Pakraman Sibĕtan

Pawos 16

1. Palĕmahan marupa carik, tĕgal, palasan, manut sané mungguh sajroning Gagaduhan Désa Sibĕtan, minakadi lĕkitan tanah punika.
2. Palĕmahan sané kahanggĕn karang pomahan, saha tlajakan, sané kinucap karang tatuwĕkan désa, sané mungguh sajroning Gagaduhan Désa Sibĕtan.
3. Palĕmahan sané kanggĕn marggi, rurung, sétra, bañjar, karang pura, karang suhung.
4. Pura Kahyangan Iwiré:
 - ha. Kahyangan ring Méru Pusĕh Désa Sibĕtan.
 - na. Kahyangan ring Bangkak.
 - ca. Kahyangan ring Tista.
 - ra. Kahyangan Gaduh.
 - ka. Kahyangan ring Sĕga.
 - da. Kahyangan ring Krĕtĕg, uthawi Pamakṣan Bangkak.

- ta. Kahyangan ring Pajabungan.
- sa. Kahyangan ring Pèkèn , uthawi Mèlanting.
- wa. Kahyangan ring Pañañjang.
- la. Kahyangan ring Pangayèhan.
- ma. Kahyangan ring Dalèm Panguluu Sétra Sibétan.
- ga. Kahyangan ring Pajuhu.
- ba. Kahyangan ring Pañébél.
- nga. Kahyangan ring Katimaha.
- pa. Kahyangan ring Tlutug.
- ja. Kahyangan ring Pañatur Kangin, Kèlod, Kalér, Kawuh.
- ya. Kahyangan ring Ida Bhañara I Déwa Mas.
- ña. Kahyangan ring Abyan Tiying/I Déwa Istri.
- ha ha. Kahyangan ring Pangayèngan.
- ha na. Kahyangan ring Bukit Ambuh.
- ha ca. Kahyangan ring Paswikan, uthawi Lampuwan.
- ha.ra. Pura Payangan.
- ha.ka. Pura Panataran Ida Madruwé Gumi.
- ha.da. Pura Taksu.
- ha.ta. Pura Baléagung.
- ha.sa. Pura Pasar Agung Sibétan.
- ha.wa. Pura Béji Kabayan.
- ha.la. Pura Uma Sang Hyang.
- ha.ma. Pura Taksu Bédugul.
- ha.ga. Pura Taksu Tèbu Sèni.
- ha.ba. Pura Béji Mèlanting, pangayatan Hulunsuwi.

Pura-pura Panti:

- | | |
|-----------------------------|-----------------------------|
| ha. Pura Panti Abyantihing. | sa. Pura Panti Yéhkori. |
| na. Pura Panti Mumbul. | wa. Pura Panti Jabah. |
| ca. Pura Panti Krésék. | la. Pura Panti Pēsagi. |
| ra. Pura Panti Caro. | ma. Pura Panti Galih. |
| ka. Pura Panti Nampo. | ga. Pura Panti Untalan. |
| da. Pura Panti Kahumbang. | ba. Pura Panti Dēlod Watēs. |
| ta. Pura Panti Pangi. | |

Pura-pura Dalēm:

- ha. Pura Dalēm Prajapati Cēroring.
- na. Pura Dalēm Prajapati Dukuh.
- ca. Pura Dalēm Prajapati Nampo.
- ra. Pura Dalēm Prajapati Yéhkori.
- ka. Pura Dalēm Prajapati Pēsagi.
- da. Pura Dalēm Prajapati Galih.
- ta. Pura Dalēm Prajapati Untalan.

Pura-pura Pamadén Kahyangan Désa:

- ha. Pura 1 Déwa Gēdhé Tēlaga.
- na. Pura Déwa Ayu.
- ca. Pura Déwa Gēdhé Padang.
- ra. Pura Déwa Gēdhé Tēlutug.
- ka. Pura Déwa Gēdhé Bagus Babotoh.
- da. Pura Déwa Gēdhé Pandé.
- ta. Pura Déwa Ayu Mas Mēranggi.
- sa. Pura Déwa Gēdhé Kutabali.

wa. Pura Déwa Bagus Mañik Gēni Pucaksari.

la. Pura Déwa Ayu Mas Makētél Caro.

5. Tatabuhan Iwiré:

ha. Gambang abarung.

na. Gong 8 barung Iwiré:

1) Gong Mumbul.

2) Gong Abyantihing.

3) Gong Pangi.

4) Gong Yéhkori.

5) Gong Pēsagi.

6) Gong Galih.

7) Gong Untalan.

8) Gong Jabah.

ca. Angklung 7 barung, Iwiré:

1) Angklung Caro.

2) Angklung Nampo.

3) Angklung Kahumbang.

4) Angklung Untalan.

5) Angklung Panglëg.

6) Angklung Batuhampin.

7) Angklung Yéhbunga.

6. Pralinggan Ida Bhaṭāra, srëgëp rawing hilén-hilén, jampana, prabot payah-ayahan.

7. Sakañcan kalëbutan toya, toya anakan, tihisan, sané dados kahanggén pasuciyān Bhaṭāra, sané dados kahanggén bëji, miwah kasalud antuk krama désa, sané dados tantan ka Désa Pakraman, sami kadruwé antuk Désa Pakraman Sibetan.

8. Lëmbaga Perkridikan Désa.

Pawos 17

Piolihi-olihi Désa Pakraman Sibetan:

- ha. Pamupon tanah tégel, carik, palabhan Pura Puséh, buktin Désa Pakraman Sibetan, Urunan, panahub, pakënin-kënin pakaryan krama désa.
- na. Haturan, dana punia.
- ca. Piolihi-olihi saking Lembaga Perkridikan Désa, pasar, tëntën , toko.
- ra. Piolihi-olihi saking usaha, guna kayan krama désa, minakadi sawosan saking patut rahayu.

Palët 6

Indik Laluputan

Pawos 18

1. Sang aprowita, apupujan, luput huga, nanging patut ngayah ka désa kälaning aci-aci.
2. Karang luput, karang I Mëkël Sasadon, I Pandé Mas, I Pandé Bësi, nanging wëntën swadharman ipun sawosan, manut gagaduhan Désa Sibetan.
3. Sang sapisira hugi sané kapinëh ñandang polih laluputan, saking paswara pamutus Pasamuhan Désa Pakraman Sibetan.

Palèt 7

Indik Dadoşan Patėdunan

Pawos 19

Dadoşan patėdunan, sangkėpan, tėdun makaryya miwah sanė sawosan, nganutang sukrėta sowang-sowang, Iwirė:

1. Yan dėsá madruwė patėdunanė, yogya nganggėn sukrėtan dėsá, sanė kagaduh antuk dėsá, dadoşan ngarañjing ka dėsá.
2. Yan swaka madruwė patėdunanė, yogya nganggėn sukėrtan swaka.
3. Yan babañjaran, madruwė patėdunanė, yogya nganggė hugėr sukrėtan bañjar.
4. Yan subak maduwė patėdunanė, yogya nganggėn hugėr sukrėtan subak, sanė sampun kagaduh antuk subak sowang-sowang, dadoşanė ngarañjing ka subak.
5. Yan pamakşan sėkėha-sėkėha sawosan madruwė patėdunanė, yogya nganggėn hugėr sukėrtan pamakşan, sėkėha sowang-sowang, dadoşanė ngarañjing ka pamakşan uthawi sėkėha.
6. Yan wėntėn krama sinalih tunggal tan tinut ring tatėpasan miwah dadoşan punika, wėnang babawosė katėngahang ka dėsá, Prakanggėn Dėsá yogya mamawosin, saha niwakang pamutus.
7. Dadosan sangkėpan, patėdunan, manut pangarggan bėras akilogram, mahėtang pangargga duk rahina sangkėpė.
8. Agung alit dadosanė, sanė katėrapang ring wawidangan Dėsá Pakraman Sibėtan, Iwirė: ring krama nėgak madėsá, ring tinggi, ring swaka, ring bañjar-bañjar adat, ring subak-subak, minakadi sėkėha-sėkėha sawosan, mungguh sajroning paswaranya sowang-sowang, saha macacirėn palugrahan Prakanggėn Dėsá Pakraman Sibėtan.

Palét 8

Indik Bhaya

Pawos 20

1. Sané kinucap Pañca-bhaya, lwir ipun : jiwa bhaya, aghni bhaya, toya bhaya, artha bhaya, bhayu bhaya.
2. Salwiring bhaya wĕnang gégérang antuk swaran kulkul.
3. Sang sapisira hugi krama désa sané manggihin, wyadin huning ring panangkaning bhaya, ring kang katibén bhaya, wĕnang ngégérang nĕpĕk kulkul manut indik kakulkulan bhaya, raris damyakang ring wādésa.
4. Ri kâla wĕntĕn swaran kulkul bulus tatĕngĕr bhaya, krama désa patut yatna, sayaga, saha srĕgĕp ngamong prabot wiadin gagawan sowang-sowang.
5. Yan sampun tatas ring bhaya punika, krama désa patut lagawa matatulung nambakin, ngalĕmpasang, wiadin ngamĕsĕhin bhaya punika, manut hunggwan, kalih manut patuduh sang yogya ngawiwĕnangang.
6. Sang sapisira hugi tan kawaśa majajabur ri kâlaning désa, krama désa, katibén bhaya. Yan wĕntĕn sinalih tunggal kacirĕnan mamurug, yogya katĕngahang ka désa, wiyadin katur ring sang amawa bhumi, mangda kabawosan saha katiwakan pamutus.
7. Yan pinganan bhaya punika sampun kapinĕh nahnah, tan pacang ñĕngkalĕn, wĕnang kacihnayang antuk pasiyar saking sang ngawiwĕnangang.

Palét 9

Indik Rarampagan

Pawos 21

Sané wĕnang rampag minakadi hunggwan kalih pidabdab ngarampang, mungguh sajroning Paswaran Désa Pakraman Sibĕtan, talĕr manut ring drĕśta kuna.

Palèt 10

Indik Pañanggran Banjar, Krama Désa

Pawos 22

1. Saraja karyyan désa, kasanggra antuk krama désa kahunadikayang antuk Kéliang Désa, manut Gagaduhan Désa Sibetan.
2. Saraja karyyan swaka, kasanggra antuk krama swaka kahunadikayang antuk Kéliang Swaka manut Gagaduhan Désa Sibetan.
3. Pañanggran bañjar sajroning mapaputusan, kasuksara ring bañjaré sowang-sowang, manut sukërta paswara pamutus pararèm bañjar adat punika.

CATHURTA SARGGAH

SUKRĒTA TATA PALĒMAHAN

Palèt 1

Indik Tègal, Bangkèt, lan Karang

Pawos 23

Palēmahan Désa Pakraman Sibetan, mahugēr antuk tri-maṇdhala, Iwiré :

1. ha. Utama maṇdhala : palēmahan sané kaanggén karang pura, wiadin paryangan, palēmahan sané kabawos suci pingit.
na. Madhya maṇdhala: palēmahan sané kaanggén karang pomahan, gēnah wawangunan, sakadi: bañjar, sèkolah, kantor, klinik, miwah sané sawosan.
ca. Niṣṭa maṇdhala, palēmahan sané kaanggén sétra, marggi, rurung, tlabah, papunduk, tulak tanggul, miwah sané sawosan. Sahanan palēmahan sané wéntèn ring wawēngkon Désa Pakraman Sibetan, yogya mangda madruwé babalédan wiadin watës sané pasti.

2. Sahanan palēmahan punika, hugi mangda madruwé marggi, rurung, papunduk sané dados hēntasin.
3. Sang sapisira hugi pacang mapawangun pakarangan, pomahan, pura, miwah sané sawosan, patut ngutsahayang mangda madruwé margi.
4. Yan désa pacang ngalinggahang marggi, rurung, minakadi makaryya marggi, rurung désa, patut majalaran Pamutus Pasamuhan Désa. Yan nganggén tégäl, carik, miwah palēmahan sawosan, wēnang désa tan nahur pangarggan tanah sané manggé margi punika. Nanghing yan madaging tatanduran, papayon, wawangunan salwiré, désa patut ngicchéh prabéya agung alit manut pamutus parēmbug désa kâla punika.
5. Sahananing karang pomahan hugi mangda masēngkēr. Pidabdab ñēngkēr, magalēng ka dulu. Pañēngkēr sané sisi kangin, miwah sisi kalér, patut kakaryyanin antuk sang ngēnahn karang punika. Sajaba karang ngēlé, wiadin lingkēhin rurung, palēmahan suwung. Yan tégäl minakadi bangkēt magalēng ka tēbén.
6. Sang sapisira hugi tédah ring āgama Hindu tan kapatutang ngēnahn karang désa.
7. Krama désa mawēd sané ngawug karang suwung, nimbali, wyadin ngawarisin karang désa ring wawidangan Désa Sibētan, ugi mangda tēdun ngayahang karang inucap ring désa.
8. Sang sapisira hugi ngēnahn karang tēgēhan, patut naku, tēgēhé asukat natah dangsah, sané tēbēnan, wēnang ñusunin tēmbok.
9. Tēlajakan karang patut kapiyara antuk sang ngēnahn karang punika sowang-sowang, mangda mapikēnoh tur kantēn hasri.
10. Yan wēntēn sinalih tunggal ñadya ñalēkšēk wiyadin ngalahlah babalēdan salwiring babalēdan wiyadin wawatēsan, lwiré: babalēdan wiyadin watēs pura, karang pomahan, carik, tégäl, sétra, tlabah, jlingjing, margi, rurung, papunduk, miwah sané sawosan, yogya katiwakan danḍha manut wērat ringan kahiangané, ngawaliyang saha mahayu sané kasalēkšēk wiyadin kalahlah, kalih mrayascitta sakabwatan sané ñandang katibanan pañangaskara.

11. Sang sapisira hugi pacang migunayang palēmahan tēgal, carik, pakarangan, sajaba pacang gēnah matatanduran, gēnah pomahan, yogya sangkaning palugrahan Prakanggén Désa Pakraman Sibetan, sawosan ring palugrahan Guru Wisésa. Yan wéntēn mamurug, sasampun polih kasambatšara antuk désa, sang mamurug kasēpckang ring désa.
12. Yan hana sinalih tunggal ngalētēhin, ngarucakin, ngarobēdin, ngararabin, palēmahan liwaring pomahan padruwéyan ñané, lwiré : ngutang luhu, bangkaan, miwah salwiripun, ñorongang babañon, yogya katiwakan daᅇdha gung artha manut paswara, tur mahayu sané kalētēhan, karucakan, karobēdan, raraban hinucap ring hajēng, saha prayascitta sané ñandang kēni pañangaskara.
13. Yan wéntēn anak ngēnahin palēmahan sajroning wawēngkon Désa Pakraman Sibetan, tan tinut makrama désa nganutin Awig-awig miwah Paswaran Désa, tan kalugra nganggén salwiring padruwéyan désa, tan kalugra ngalakšayaning Pañca-yajña sajroning Désa Sibetan. Yan tēkaning kapatiyan dados sahubang uthawi pēᅇdhēm ring sétra pangilang-ilangan. Tan polih pañanggran krama bañjar minakadi pañanggran désa.
14. Yan wéntēn anak tan maagama Hindu ngēnahin palēmahan sajroning Désa Pakraman Sibetan, patut nganutin Paswaran Désa Pakraman Sibetan.
15. Yan pacang ngalintangang toya, babañon, saking pakarangané, ngalintangin palēmahan sawosan, urung-urungé patut matanēm, dalēm tatanēmané sa soripun limang langkat uthawi amētēr.
16. Sang sapisira hugi warga krama Désa Sibetan, yan pacang ngadol, ngantahang, masēlangang, majēgang, makēdihang, palēmahan sajroning wawidangan Désa Sibetan, hugi mangda polih palugrahan Prakanggén Désa Sibetan. Yan wéntēn mamurug, daᅇdha gung artha manut pamutus pararem désa, saha indiké punika kawicarayang antuk désa.

Palét 2

Indik Kakayonan

Pawos 24

1. Tan kalugra nēbtēb, ngarēbah, taru tanēm tuwuh salwir ipun, ring pālasan, patēgalan, habing, tangkid, ring gēnah bukan toya, miwah gēnahé sawosan sané kakēkēr antuk désa. Yan wéntēn sinalih tunggal mamurug, katiwakan danḍha manut lokika, manut paswara, tur taru sané karēbah mantuk ka désa. Taru-taru sané kakēkēr antuk désa, lwiré: cēmpaka, kaliasēm, surén, nangka, tēhēp, yan kabuwatang wēnang karēbah antuk désa.
2. Yan wéntēn wit-witan wiyadin kakayonan ngungkulin palēmahan carik, karang anak sawos, sané ngawinang tiyēb, tampyas, ngarobēdin, asing kungkulan wēnang ngatēngahang ka désa, prakanggén désa maritētēs saha mituduhang sang madruwé mangda ngrañcap, nēbtēb, wiyadin ngarēbah. Yan kantos ping tiga pituduh désané tan kalingu, wēnang katiwakan danḍha sang anikēl tuduh, gung artha manut paswara. Kakayonan punika prasiddha karēbah antuk désa picunḍhangan.
3. Tanēm tuwuh jroning karang pomahan, tan kalugra tēgēh ipun lintangan ring jan palit solas, wiyadin limang métēr. Bungkil ipun adēpa agung, wiyadin kalih métēr tēngah, saking pañgkéré ngajrowang. Yan mamurug, wéntēn raris ngatēngahang ka désa, yogya sang madruwé kativ akan danḍha gung artha manut paswara, saha ngarēbah, sajroning tigang rahina saking pamuput babawosé.
4. Kakayonan jroning karang pomahan hugi mapyara mangda tan ngalētēhin, ngarobēdin, mamayēu karang sawosan, saking akah kantos dawun ipun. Yan wéntēn mamurug, tan tulinga ring kakayonan duwé, wéntēn ngatēngahang kadésa, prakanggén désa yogya maritētēs, saha nēpasin manut panglokika kalih paswaran désa.

5. Yan wéntën wit taru mëntik kautos agëng ring babalëdan, watës, salwiring babalëdan mwang watës, wéntën ngatëngahang ka désa, patut taru punika karëbah, raris pinara tiga, apahtigayan mantuk ka désa, sang madruwé babalëdan apahtigayan sowang-sowang.
6. Yan wéntën sinalih tunggal nundungin tanëm tuwuh, kakayonan, sané kaswatah pacang mamayén, wénang kabawosang ring sang madruwé. Yan hakas sang madruwé, yogya katëngahang ka désa. Prakanggén Désa nëgdëg tanëm tuwuh wiyadin kakayonan punika. Yan manut panglokikan prakanggén désa yogya tundungin, talër hakas sang madruwé, patut sèpat gantungin. Yan jati kadi pañwatahé, yogya sajroning tigang dina, karëbah picundhangan. Sang madruwé katiwakan dañdha gung artha manut paswara, doşané anikël tuduh. Yan tan yukti kadi pañwatahé, sang ngatëngahang katiwakan dañdha gung artha manut paswara, doşané angadakakën nora, tanëm tuwuh wiyadin kakayonan punika tan karëbah.
7. Tan kalugra ñadya nandur padang gajah, pandan, minakadi salwir ipun, pijër, turus, salwiring tanëm tuwuh wiyadin kakayonan sané pacang dados agëng nësëk ring margi agung, nësëk ring babalëdan, ring watës, papunduk. Yan kapurug, yogya sang mamurug katiwakan dañdha gung artha manut paswara, tur ngamadëmang tatanduranné.
8. Yan wéntën krama nandur pijër wit woh-wohan sakadi salak, durén, nangka, buluan, minakadi sawosan, sané tuwuh ipun pañjang ring tégäl sasakapan, hugi mangda makaryya pasobaya sarëng sang madruwé tégäl hinucap. Yan durung pinganan mawoh tubuh punika, durung nahën ngalapin woh ipun pinih sor limang palabuh, raris kajabutan, yogya sang madruwé tégäl nahur pañjala sa wit-sa wit, gung artha manut paswara.
9. Sang sapa sira hugi ñakap tégäl, tan kawaşa ngarëbah tanëm tuwuh sané dados anggén lakar wawangunan, yan tan polih lugra saking sang madruwé tégäl punika.

Palèt 3

Indik Wawangunan

Pawos 25

1. Sang sapisira hugi krama désa, sawawěngkon Désa Sibetan, yan pacang ngawangun pañěngkěr karang pomahan, patut masupékša ring pañandingé. Yan tan radin, yogya nunas dēgdēgan ring Prakanggén Désa. Prakanggén Désa nēgdēg saduhajěng sang mawiwara.
2. Wawangunan ring palēmahan pėcak carik, tēgal, palēmahan suwung, sané sampun masanggih pawon, palēmahan punika prasiddha kabawos karang pomahan, dwaning sampun katiwakan pangupakāran karang. Awasan patut madruwé ruring bėtěl ka marggi agung, sukat dados pacang ngalintangang papaga, dwaning tan kapatut ngalintangang śawa ring carik miwah tēgal. Yan wéntěn mamurug, yogya Prakanggén Désa niwakang tatėpasan, mangda sang mamurug mrayascitta palēmahan hinucap sané kalintangan.
3. Yan tan masanggih panghuluning karang, kabawos akakubon. Tan yogya gėnah ngrakša śawa. Yan wéntěn mamurug, yogya katiwakan pamidañdha mangda mrayascitta palēmahan punika, minakadi palēmahan sané kalintangan.
4. Yan wéntěn sinalih tunggal sang sapisira hugi, pacang ngawangun wawangunan gėnah ngalakšanayang upacara agama, lwiré: Pura, Masjid, Gėrėja, Wihara, miwah sané sawosan, hugi mangda wéntěn lėkita palugrahan Prakanggén Désa, kalih lėkita palugrahan Guru Wisėša. Yan wéntěn manurug kadi kinucap ring hajěng, kabawos tan siddha karyya, tan wėnang anggėnėn, tur wawangunan punika yogya wangdėyang.
5. Wawangunan jroning karang pomahan, hugi nganutin tri-mañdhala. Utama mañdhala, sanggar panghuluning karang. Madhya mañdhala, pagėnahan mapumahan. Ništa mañdhala, ngaran lėbuh, jabayan.

6. Tan wĕnang ngungkulang capcapan wawangunan ka jroning karang pomahan sawosan tani druwé. Yan wĕntĕn mamurug, wĕntĕn ngatĕngahang ka désa, yogya prakanggĕn désa nĕgdĕg, saha ĩipat gantungin. Yan jati lintang, sajroning sĕlahé rahina saking puput babawosé mangda sampun kapastika.
7. Tan wĕnang ngangĕn témbok umah wiyadin témbok pañĕngkĕr tani druwé. Wĕnang ya kasambatsara antuk sang madruwé. Yan hakas tur mamurug sang kasambatsara, yogya katĕngahang ka désa, kabawosan saha kaputusan antuk Prakanggĕn Désa.
8. Sang sapisira hugi pacang mapawangun nĕpi ring marggi agung, nĕpi ring rurung désa, yogya wĕntĕn lĕkita palugrahan saking Prakanggĕn Désa, wiyadin lĕkita palugrahan sang amawa rĕt. Yan tan polih lĕkita palugrahan, padgatakĕla wawangunan punika dados katundungan tan ngĕtang prabĕyan tatundungan.
9. Sang sapisira hugi krama désa ngawĕngku karang pomahan, yogya hurati miyara kahasriyan lĕbuh pakaranganya, rurung pĕntasan pinih sor asukat karangnya ngalajur.
10. Sang sapisira hugi pacang ngawangun hotĕl miwah sapanunggilan ipun ring wawidangan Désa Sibĕtan patut mawanĕng pinih sor satus dĕpa saking pura-pura sané wĕntĕn sajroning désa, saha hugi mangda wĕntĕn lĕkita pasobaya kalih palugraha saking Prakanggĕn Désa Sibĕtan.
11. Sajĕroning karang désa tan kalugra ngawangun hotĕl miwah sapanunggilan ipun, minakadi tan kalugra ngawangun wawangunan matĕmpang uthawi matingkat.

Palèt 4

Indik Wawalungan

Pawos 26

1. Sané kinucap wawalungan, sakañcan buron suku-pat sané ñadya kapyara, sakadi, bawi, banténg, kambing, kébo, misa, jaran, miwah sapanunggilan ipun. Talér waték makampid, sané ñadya kapyara, sakadi: ayam, itik, bangsa, dolong, miwah sabacakan ipun.
2. Sang sapisira hugi krama désa sané myara wawalungan suku pat, sajaba hasu, tan wénang ngalumbar. Sané patut matlusuk, mangda matlusuk. Sané tan patut matlusuk, mangda matégul bawong. Sané patut maglogor, makandang, hugi mangda maglogor wiadin makandang. Mangda tan ngarucakin, ngalètèhin palémahan tani druwé, miwah mamayén krama désa, jana pada. Yan hasu mangda mabélat, lwiré makalung bawong, maka cihna wéntèn sané myara.
3. Sang sapisira hugi krama désa, myara waték suku kalih, waték makampid, yatnain hugi, mangda tan bangèt ngarucakin, ngalètèhin, palémahan, pomahan, tatanduran druwén anak sawos.
4. Tan wénang ngangonang, nēgulang, hingon-ingon ubuh-ubuhan, ring palémahan tan druwé, minakadi tan sasakapan druwé, yan tan kapisukayang. Sang madruwé palémahan, prakanggén désa, langlang désa, kēliang-kēliang, asing mamanggihin, wénang ñambatsara sang madruwé wawalungan ika. Yan hakas sang kasambatsara, wawalungan ika wénang taban. Prakanggén désa yogya niwakang pamidandha, manut lokika, gung artha manut paswara.
5. Tan wénang ngangonang, nēgulang ubuh-ubuhan, ring palémahan karang pura, kahyangan salwir ipun, minakadi sétra, rurung, papunduk, marggi, tlajakan pakarangan, palémahan sané kapingitang, karang suhung, miwah sabacakan ipun. Yan wéntèn mamurug, sang madruwé palémahan, prakanggén désa, langlang désa, kēliang-kēliang bañjar, prajuru désa sinalih tunggal, asing mamanggihin,

- wĕnang ñambatsara, saha naban wawalungan ika. Katĕngahang ka désa, katiwakan dañdha gung artha manut paswara, saha mahayu yan wĕntĕn karusak, tur mrayaścitta palĕmahan ika sané ñandang prayaścita manut panglokika.
6. Yan wĕntĕn maubuh-ubuhan sajrouing karang pomahan, hugi tlajan mratyakşayang kandang ipun, mangda tan ngawĕtuwang bhaya, panungkan. Talĕr mangda hapik, guritĕn, sikşa, mangda tan kantos ngalĕtĕhini, ngarobĕdin, crobo karang pomahan wiyadin palĕmahan pañandingé. Yan wĕntĕn mamurug, tan sikşa ring hingon-ingon, miwah kandang ipun, wĕnang pañandingé ñambatsara, wĕnang katĕngahang ka désa, Prakanggĕn Désa nĕpasin. Wĕnang katiwakan dañdha manut panglokika kalih paswaran désa.
 7. Sang sapisira hugi krama désa, ngawangunang kandang wawalungan, buwat adol atuku, yan kandang ayan, itik, miwah sapanunggilan ipun, buwat naluhang, miwah adol atuku, dagingan satus ukud. Yan kandang wawalungan suku pat, dagingan dasa ukud, sowang-soang, ika wĕnang jroning karang pomahan. Yan lintangan ring punika daging kandangé, tan wĕnang wangunang jroning karang pomahan, yogya kawangunang ring palĕmahan sané mawanĕng sa sor ipun satus dĕpa saking palĕmahan karang pomahan, sĕkolah, kantór, pura kahyangan, minakadi gĕnah sané kakĕkĕr wiyadin kapingitang antuk Désa Pakraman Sibĕtan. Tur mangda maduwé lĕkita palugrahan saking sang amawa bhumi.
 8. Yan wĕntĕn wawalungan ngarucakin, ngarug tatanduran, wĕnang taban. Sang madruwé tatanduran ngatĕngahang ka désa pramangkin, kabawosan antuk prakanggĕn désa, saha katiwakan dañdha manut lokika paswaran désa.
 9. Yan godĕl bantĕng, godĕl kĕbo, godĕl misa, durang matlusuk, godĕl jaran, kambing, miwah sabacakan ipun, durung hantĕs matĕgul, tan wĕnang taban, yan tan ngajak hinan ipun. Yogya salabarang ring sang madruwé.

10. Yan bébék, dolong, hangsa, ayani miwah saꦱꦩꦸꦁꦒꦶꦭꦤ꧀ iꦥꦸꦤ꧀, ngarucakin tatanduran, talér wēnang taban, ludiké uaban, mangda masakṣi, saha kasupékṣayang ka désa pramangkīn, prakanggén désa yogya mamawosin, niwakang pamidaṇḍha manut panglokika.
11. Yan wéntēn wawalungan ngēléb, mamēgat, ngarañjingin palēmahan pura, kahyangan, sétra, karang pomahan, miwah sané sawosan, lokikanēn juga. Yan tan ṇādyā ka lébang, tan yogya taban, wēnang salabarang ring sang madruwé. Yan ṇādyā ka lébang, wēnang taban, tur katēngahang ka désa.
12. Sang sapaṣira hugi krama Désa Sibetan tan kalugra ṇorongang babañon lalētēh kandang wawalungan ka rurung, margi, tlabah, jalingjing, sané wéntēn sajroning Désa Sibetan. Yan wéntēn mamurug, katiwakan daṇḍha antuk désa gung artha manut lokika, saha paswaran désa. Tur sajroning pitung rahina saking pamuput babawosé, salantur iꦥꦸꦤ꧀ tan kari sorong lalētēh miwah babañon punika.
13. Sang sapaṣira hugi ngarērēh hulam ring tukadé, ring tlabahé, ring jalingjingé, miwah saḥungꦒꦮꦤꦶꦁ hulam sajroning Désa Pakraman Sibetan, tan wēnang nganggén tuba minakadi listrik, sētrum salwir iꦥꦸꦤ꧀, tan wēnang ngarusak hēmpēlan, nguhukang tamuku, blagbag, cakangan, yan wéntēn mamurug, wēnang katiwakan daṇḍha gung artha manut lokika saha paswaran désa, tur mahayu sané karusakang.
14. Sakañcan dadaṇḍhan, dadoṣan sané mungguh ring hajēng, sami ngrañjing ka Désa Sibetan.
15. Agung alit dadandan punika, kaungguhang sajroning Paswaran Désa Sibetan, nanghing lokika juga wiśéṣa.
16. Tan kalugra ngējuk, ngarērēh pakṣi ring wawidangan Désa Pakraman Sibetan, manut sakadi Paswaran Désa Sibetan.

**PANCAMA SARGGAH
SUKRĒTA TATĀ ĀGAMA**

Palēt 1

Indik Déwa Yajna

Kaping 1

Indik Kahyangan

Pawos 27

1. Munggwing kahyangan tiga, Pusēh, Dalēm, Balé Agung miwah sané sawosan, sakadi kinucap ring **Padruwéyan Désa Sibetan** ring hayun, pangaci-aci kalih papayon sami kahēmponin antuk krama désa manut Gagaduhan kalih Purana Désa Sibetan, karēmba antuk drēṣṭa kuna.
2. Pura-pura, kahyangan, sané sawosan ring sané kinucap ring hayun, papayon kalih pangaci-aci kahēmponin antuk krama pamaksan pura sané ñungsiung Bhaṭāra ring pura kahyangan punika sowang-sowang.
3. Munggwing béji, papayon kalih pangaci-acinya, kahēmponin antuk krama désa sané ñabén ñalud toya punika, kabawos sēkēha béji.
4. Yan wéntēn karēcēhan, wicara, sajroning pamaksan pura, béji, kahyangan, subak, sinalih tunggal, wēnang katēngahang ka désa, Prakanggén Désa mamawosin, ñahsahang, nēpasin wicarané, mangda kasiddhan mawali landuh jatimula.
5. Tan wēnang nguwah nguwhin wawilangan palinggih Bhaṭāra, sané sampun wéntēn ring pura kahyangan sowang-sowang, mangda kantun manggēh kadi kuna rawuh ka hungkur wēkas.
6. Yan wéntēn pura kahyangan sinalih tunggal, rēnēng pangaci-acinya, kantos kadaśa warṣan, yogya prakanggén désa mamawosin, maritētēs, ngutsahayang mangda kasiddhan mawali kadi jatimula. Nānghing pradé tan kasiddhan, majalaran antuk pamutus pasamuhan désa, prasiddha désa ngawangunang pangupacāra mraliṇa pura punika, mangda tan karañjingan kaumabin antuk Ki Bhuta Kubandha.

Ka ping 2

Indik Pangaci-aci

Pawos 28

1. Indik pangaci-aci ring Pura Kahyangan sané wéntén sajroning wawēngkon Désa Pakraman Sibetan, kahamongin antuk krama désa, manut hēmponan sané mungguh sajroning Gagaduhan Désa Sibetan, pangaci-aci punika manut Purana Désa Sibetan, Iwiré:

Śasih Kasa:

- ha. Pūrṇamaning Kasa, ngaminutin Usabha Pēpēk, ring Méru Pusēh Sibetan.
- na. Ring Tista, nigang dinayang Usabha Pēpēk.
- ca. Ring Pajuhu, Usabha Kahyangan, nigang dinayang Usabha ring Tista.
- ra. Ring Pañēbēl, Usabha Kahyangan ring Pēndēm, mētang dinayang Usabhané ring Pajuhu.
- ka. Ring Katimaha, ngalih rahinang Usabhané ring Pēndēni.
- da. Ring Talutug, nigang dinayang Usabhané ring Katimaha.

Śasih Karo:

- ha. Tanggal ping 10, Usabha matuhun bunga ring Méru.

Larangan :

- 1) Tan kawasa ñēkēh, ngutang, miwah nēkayang wangké sané sampun kēni pangupakāran sawa.
 - 2) Tan kawasa lunga ka padésayan kantos mahinēpan.
- na. Pūrṇama Karo, aci-aci, Usabha Gēdē ring Méru:
- 1) Tēdun Madēha.
 - 2) Tēdun Matruṇa.
- ca. Bēñjangné Usabha ring Pañāñjang.

Śasih Katiga:

- ha. Pūrṇama śasih Katiga aci-aci Usabha Bhaṭāra Sapta Buwana.
- na. Malih tigang dinan ipun aci-aci ring kahyangané ring Tělaga.
- ca. Husan ring Tělaga, malih tigang dinan ipun aci-aci ring Sĕga.
- ra. Husan ring Sĕga, malih tigang dinan ipun aci-aci Usabha ring Pajabungan.
- ka. Usabha ring Pĕkĕn, Usabha Sanghyang Sadana, Sanghyang Ulah Kalih, Sanghyang Kĕbo Édan, rawuh ring Panilĕman śasih Katiga, panampi Kapat.

Śasih Kapat:

- ha. Pūrṇama śasih Kapat, ring Kayangan Watĕs Kangin, pangusabhan ring pĕtang pañatur.
- na. Nuju pūrṇamaning Kapat, aci-aci odalan Ida Bhaṭāra I Déwa Ēmas.

Śasih Kalima:

- ha. Pūrṇamaning śasih Kalima, aci-aci I Déwa Istri ring Abyan Tihing.
- na. Hodalan kala dina Bu., Ka., Pahang (ring Abyan Tihing). Talĕr kala kamranan, irika nunas panĕduh.
- ca. Usabha ring Bukit Ambuh, ngatĕmuwang sanangkĕn tanggal ping 10, ping 13, nuju Bĕtĕng, sarĕng ka Payangan.
- ra. Hodalan ring Payangan kala dina Bu., Ka., Pahang.

Śasih Kanĕm:

- ha. Pūrṇama śasih Kanĕm, ring Mĕru.
- na. Malih tigang dinan ipun, mañungsung Kayangan ring Bangkak, ring Tělaga, ring Sĕga, ring Pajabungan, ring Dalĕm Sibĕtan.

Śasih Kapitu:

Pūrṇama Kapitu, ngawit ring Dalēm Sibetan raris pañatur tēngah, kalēr, kēlod, kangin, kawuh.

Śasih Kawolu:

ha. Pūrṇamaning śasih Kawolu, aci-aci ring Pēkēn mamanggung jampana, mamēkēnang Bhaṭāri Śrī, suwēnnya tigang dina.

na. Aci-aci sasorohané ka Dalēm:

- 1) Tanggal ping 10, ring Payangan, bantēn kadi tingkah ring Tlutug, ring Paswikan.
- 2) Tilēm ka 8, nampi śasih ka 9, matabuhin ring pēkēn. Caru sampi, nganunuu, malih tigang dinan ipun pamogan ring Pura Dalēm.

Śasih Kasanga:

ha. Panilēman śasih Kasanga Usabha ring Dalēm.

na. Kalaning Pūrṇama, matabuh gēntuh ring pēkēn.

ca. Malih aci-aci ring Dalēm, ngodalin sanangkēn Sa., Ka., Uyé, nganēm śasih. Ngaturang panēduhan, bantēning wwang mati.

ra. Aci-aci ring pañirang mwang pañatur.

Pangaci-aci sawosan:

ha. Aci-aci Galungan: ngawangunang pēñjor ring Kayangan, ring pasthanan, ring bañjar-bañjar, salawang-salawang, sakurēn-kurēn.

na. Aci-aci ring Tumpēk Kuningan:

- 1) Mahajang-hajang ring banjar.
- 2) Satunggil Sa., Ka., Kuningan nganēm śasih, dēsa ngawangunang cor pacicira.

ca. Upacara pabrēsihan kalaning kalētēhan ring Gunung Agung.

ra. Usabha ring Bangkak: mēiang tēnwang, nuju Pūrṇama anēmu wahya,
pantun masan siyagan. Bantēn mabukakak kēbo.

Pakēnin-kēnin désa sané kahēcokin antuk toya Tista, Iwiré:

ha. Désa Macang, kēni kambēn sēlēm, dwang rirang. Jinah satak tan pahēlong,
bēras acatu wērat domas, woh-wohan.

na. Désa Tēnganan, kēni gringsing lubhéng abidang, jinah satak tēgēp, bēras
acatu wērat domas.

ca. Désa Bunghaya, kēni kambēn kuning dwang rirang, jinah satak tēgēp, bēras
acatu wērat domas.

ra. Désa Asak, kēni kambēn graha abidang, jinah satak tēgēp, bēras acatu wērat
domas.

ka. Désa Timbrah, kēni kambēn piraksok abidang, jinah satak tēgēp, bēras acatu
wērat domas.

da. Désa Prasi, kēni kambēn angsoka abidang, jinah satak tēgēp, bēras acatu
wērat domas.

ta. Désa Bugbug, kēni kambēn putih dwang rirang, jinah satak tēgēp, bēras
acatu wērat domas.

2. Sané yogya muput haci-aci ring Kahyangan Désa, Ida Padaṇḍha sané katuhur
antuk Désa, minakadi Pamangku Pura ring Pura hinucap.
3. Yan wéntēn sinalih tunggal pura durung madruwé pamangku, uthawi
pamangkuné kapyalang, dados nuhur salah sanunggal pamangku Kahyangan
Désa, sané wéntēn sajrouing Désa Sibetan.
4. Pamangku désa, sané wéntēn sajroning Désa Pakraman Sibetan, dados ngantēb
bantēn pangodal minakadi sané sawosan ring pura-pura sawawēngkon Désa
Pakraman Sibetan sané mamuwatang, nanging manut kawēnangan Pamangku.

5. Ri tatkāla Désa ngawangun kāryya Tabuh gēntuh, Bhatāra Turunkabéh, minakadi karyya agung sawosan, désa wēnang nārad pamangku-pamangku kayangan sakatahé, pacang ngarombo Pamangku Désa.

Pawos 29

1. Indik pangaci-aci ring pura Pamrajan, Pahibon, Dadya, punika kahamongin antuk krama désa sajroning sēkēha dadya, pamrajan, manut sima drēštanya sowang, tan pangodal ring ucaping śāstra Hindu.
2. Yéning ring Bēsakih nangun upacāra Pañca Walikrama, Éka Daśa Rudra, Éka Bhuwana, ring désa Pakraman Sibetan Bhatāra turun kabéh, raris malasti ka sagara, uthawi ka gunung.
3. Pangaci-aci Pura Dalēm, Panti sané magēnah ring swaka, kahamongin antuk krama swaka punika sowang-sowang.

Pawos 30

1. Béji punika kahaci-hacinin antuk sēkēha béji, krama désa sané nālud toya punika Dina pangodal kalih babantēn, manut drēštān sēkēha sowang-sowang uthawi paswara sajroning sēka.
2. Yan wéntēn sinalih tunggal béji tan kahaci-acinin, toyan ipun tan yogya anggén sadhana makāryya sarwwa suci.
3. Aci-aci ring Subak sané wéntēn sajroning Désa Sibetan, kapituduh, katodya, katulinga antuk Prakanggén Désa Sibetan.

Pawos 31

Aci-aci, piodhalan, usabha, paségēh ring Kahyangan Désa, sané wéntēn sajroning Désa Pakraman Sibetan, rawuhing swaka:

- ha. Aci-aci kasanggara antuk krama désa, manut hémponan sané munggah sajroning Gagaduhan, Pura Désa Sibetan.
- na. Luwiring babantĕn, minakadi hééd upacāra, manut gagaduhan Pura Désa, drĕṣṭa sané kantun manggĕh kalakṣanayang ring Désa Pakraman Sibetan rawuhing swaka.
- ca. Padagingan pacang aci-aci:
- hupon-upon, tanah palabha Pura Désa Sibetan.
 - piturunan uthawi wawijilan krama désa.
 - pioli-oli pagunakayan krama désa.
 - haturan-haturan sangkaning krama suka nirmala.
- ra. Pasĕgĕh tunggil kajĕng kliwon, purĕnama tilĕni, kasanggra antuk pamangku sowang-sowang. Padagingan saking druwé pura, pamakṣan. Kahantĕbang antuk pamangku pura sowang-sowang.
- ka. Sané kapatut muput salwiring karya haci-aci ring Pura Pañungsungan Désa Pakraman Sibetan, wantah Ida Padaṅḍa sané pinaka linggan Désa Sibetan, minakadi Ida Padaṅḍa sané katuhur antuk désa. Kalaning Usabha Śrī, kagĕlarang śiwa pakaraṅan Jro Dukuh, pinaka pakĕling kuṅa drĕṣṭa.
- da. Ri kĕla kabrĕbĕhan jagate, kagriṅgan, katibĕn pañca-bhaya, pinganan tan mrĕsiddhayang ngaturang haci kadi patuté, yogya Prakanggĕn Désa miwah pamangku, ngaturang pihuning ring Bhaṭāra, masadhana babantĕn padhatĕngan, pacanangan minakadi sabacakan ipun, maka cihna tan pĕgat haci-aciné. Ri wus mawali dĕgdĕg jagaté, patut ngawangunang upacāra Bhaṭāra Turunkabĕh, masasirih makakobok ka sagara giri.
- ta. Yan ri tatkĕla mamahayu, ngayun papayon, ring pura-pura kahyangan, pinganan tan puput kĕla dinaning piodhalan, pangaciné wĕnang rangkadang, nānghing padhatĕngan, pacanangan miwah sabacakan ipun, tan dados pĕgatang. Ri wus puput masasapuh salwiré, malih mawali kadi kuṅa.

- ca. Sajaba sané sampun mungguh ring hajeng, wéntén malih Usabha, Iwiré, Usabha Dēhā, Usabha Ēmping, Usabha Katipal, usabha-usabha sawosan maout kuna drēsṭa.

Ka ping 3

Indik Pamangku, Buyut, Kabayan

Pawos 32

1. Pidabdab ngadēgang pamangku, buyut, kabayan:
 - ha. Ngambil saking sasērod santana wiadin katurunan.
 - na. Saking pamuwus sasēmburan, wiyadin ĩanjan, sasampun kantos ping tiga.
 - ca. Sangkaning kajujuk saha kabriyukin antuk krama Dēsā Pakraman Sibetan.
2. Sang sapasira hugi pinaka buyut, kabayan, pamangku, ring Pura Pañungsungan Dēsā Sibetan, mangda pagēh ngamēl kalih ngalakṣanayang śāsanan Pamangku, Buyut, minakadi Kabayan.
3. Sang sapasira hugi krama dēsā, sangkaning sasērod, sangkaning kasēnengan antuk Bhaṭāra polih pamuwus ring sasēmburan, minakadi kajujuk kabriyukin antuk paruman dēsā, pacang kaanggēn pamangku, buyut, yan kari alaki rabi yogya lanang istri mawintēn.
4. Sang kasudi pacang kaanggēn pamangku, buyut, patut mawintēn ring pura gēnahé dados jan bangga, munggwing prabēya polih patulung saking pamakṣan pura sowang-sowang, minakadi saking dēsā pakraman.
5. Pamangku patut madruwé hamongan pura sowang-sowang, yan tan madruwé hamongan pura, prasiddha tau kalugra ngantēbang babantēn ring pura-pura salwiré, sané wéntēn sajroning Dēsā Sibetan.

6. Buyut kawēnangang mungguh tēdun, ngungguh babantēn, ngantēb babantēn ring sowang-sowang pura gēnahé mambuyutin. Buyut dados ngantēbang babantēn matangguran gēnta.
7. Sané wēnang pinaka kabayan, wantah krama sané nēgak madésa. Indik ngadēgang, hééd upacara, manut sakadi sané mungguh sajroning gagaduhan, Purana Désa Sibetan, kantos swadharmman kabayan.
8. Sinalih tunggal pamangku, buyut, kabayan yan katēkan pati, yogya tiniwākēn. Patut polih patulung prabéya atitiwa, saking désa, krama pura sané kahamongin, agung alit patulungé nganutin pamutus babawos sajroning pararēman kála punika. Yan wus tiniwākēn, patut kakaryyanang pangēlad, uthawi ñanggawukin antuk désa, krama pura hinucap. Punika yan pamangkuné, buyut, kabayan kari rajēg ngamong swadharmmaning pamangku, buyut, kabayan kantos hantaka.
9. Twas-twasan pamangku, buyut, kabayan mungguh jroning gagaduhan Purana Désa Sibetan, pura sowang-sowang, talēr nganutin drēṣṭa kuma.
10. Pamangku, buyut, kabayan kagēntosin majalaran antuk:
 - ha. Mapinunas marāryyan, saking patut pinunasé, nānghing tan kari ngalakṣanayang dharmmaning pamangku, buyut, kabayan. Kawēkas kālanning séda, tan polih patulung prabéya atitiwa.
 - na. Saking patut pinunasé, majalaran antuk lingsir, sampun tan mampuh, sungkan rahat tan kēngin waras, kajadayang antuk pasamuhan désa Sibetan. Kawēkas kālanning séda, patut polih patulung prabéya patatiwan.
 - ca. Sangkaning kahusanang, majalaran antuk lakṣana mamurug śasanan pamangku, buyut, kabayan. Kawēkas kālanning séda tan polih patulung prabéya atitiwa.
11. Tan wēnang kajujuh dados pamangku, buyut, kabayan pradé:
 - ha. Kahanan cé dangga.
 - na. Katibén sungkan ila uthawi sakit gēdé.
 - ca. Mabukti nahēn malakṣana corah.

Ka ping 4

Indik Sukrétan Pura Kahyangan

Pawos 33

1. Ri kâlaning maturan hamung pamaungku, buyut, kabayan ring kahyangan punika sané dados mungguh tédun ring palinggih-palinggih pura kahyangan hinucap, minakadi sang sampun polih lugraha saking Prakanggén Désa. Yan wéntèn mamurug, katiwakan dandha nirayaścitta palinggih punika.
2. Pamangku sané patut ngantëbang babantën ring pura, wantah pamangku sané kadruwé antuk pura punika. Yan néntèn wéntèn pamangku ring pura punika, uthawi kapyalang, dados ñarad pamangku sawosan, saking palugrahan Prakanggén Désa.
3. Tan kalugra masumpah, macoran, sajroning Pura Kahyangan Désa, sajaba sangkaniug wicaran pura hinucap, talër saking pabuwat krama pamakšan Pura, uthawi pabuwat Krama Désa sané ngëmpon pura punika, hugi polih palugrahan Këliang Désa Sibetan.
4. Tan kalugra wâk capala, hasta capala, pâda capala, miwah sapanunggilan ipun, sajroning pura kahyangan. Yan macihna wéntèn mamurug, wéntèn raris ngatëngahang ka désa, yogya tiniwakan dandha pamarisuddhan kahyangan.
5. Tan kalugra malakšana kantos ngawëtuwang byota ring pura kahyangan. Yan wéntèn mamurug, kantos maywadi ring pura, yogya tiniwakan dandha gung artha manut pangarggan bëras adaša kilogram kang sawiji, saha marisuddha kahyangan punika.
6. Sang sapisira hugi kacuntakan, salwiring cuntaka, yan durung mabrësih, tan kalugra ngarañjing kajrowan Pura Kahyangan. Yan katëngër wéntèn mamurug, yogya tiniwakan dandha marisuddha kahyangan punika.

7. Sédahan héngéngan miwah sapanunggilan ipun tan kalugra maséha ring Pura Kahyangan Désa sinalih tunggal. Yan wéntèn mamurug, yogya daṇdha gung artha manut paswara, saha ngawangdéyang maséha.
8. Tan kalugra ngawénténang kaklécán, jajudén, sajroning pañgkér Pura Kahyangan Désa. Yan wéntèn mamurug, sang ngalakṣanayang katur ring sang amawa rat, tur kaklécán jajudén punika kawangdéyang.
9. Tan kalugra makta salwiring sané kasinanggah tan suci ngarañjing kajroning sutér Pura Kahyangan. Yan wéntèn mamurug, yogya sang mamurug marisuddha Pura punika.
10. Sang sapisira hugi ri kálaning makémít, ring Pura Kahyangan, yan mērēm, tan kalugra madukan lanang istri, sajaba anak sané kapinēh kari alit durung rumaja putra. Yan mamurug kēni daṇdha manut pangarggan bēras adaśa kilogram kang sadiri tur mrayaścita pura punika.
11. Pamakṣan sowang-sowang Pura Kahyangan sawawēngkoning Désa Sibetan kalugra madruwé sukrēta ndiri-ndiri. nānghing tan dados singsal ring pasukrētan Désa Pakraman Sibetan.
12. Pura kahyangan tan wénang anggén sajaba ngalakṣanayang upacāra Agama Hindu. Yan wéntèn mabhukti mamurug, sang malakṣaṇa kawangdéyang, tur pakarddhinānē kapucēh, kadaṇdha manut pangarggan bēras adaśa Kilogram, mawēwēh ngawénténang upacāra pañangaskara pabrēsihan.
13. Yan wéntèn macihna anak wiyadin sang sapisira hugi, katēdunan uthawi kapangluh sajroning pura kahyangan sawawēngkoning Désa Pakraman Sibetan, mababawos minangkēnang pangandikan Ida Ratu Sasuhunan uthawi Bhaṭāra, ring gēlis tunasang tirtha Jaluputan mangda gēlis hudēp. Piradé sasampun kakētisin tirtha, kantun ngatémél maséra-maséro, ngawētuwang sumandéya kayun krama désané, irika patat pintonin. Iudiké mintonin, hambalang toya apané, cēlēbang liman nānē makakalih. Yan mabhukti tan bēlus, nāndaṅ gēgā

pangandikan Bhatāra. Yan padé bēlus, tan nāndang gēgā, gēlisang gingsirang gēnahang mangda doh saking pura punika

Ka ping 5

Indik Cuntaka, Sosot

Pawos 34

1. Sang sapasira hugi krama désa, sané kahanan cuntaka, tan wēnang ngarañjing ka Pura Kahyangan, ka pañuciyān kālaning nūci gēning, minakadi gēnah salwiring gēnah sané kinucap suci pingit. Tan wēnang ngaryyanin saji salwiring saji sané pacang katur ka sanggar tawang, sakadi suci gēning, minakadi bantēn salwiripun sané jaga katur ka pura, miwah sané katur ring pitra piṇḍha. Munggwing bantēn sané pacang katur ka Prajapati, Dalēm panguluning sétra, dados karyyanin ring umah sang cuntaka kālaning ngupakāra śawa.
2. Lwir sané kinucap cuntaka:
 - ha. Anak istri kālaning ngrajaswala, suwén cuntakané, saking ngawit ngrajaswala, kantos niat, macihna sampun malukat.
 - na. Sang ngantén lanang istri, suwéné cuntaka, ngawit saking rahina panganténané, wiadin rahina marangkaté, kantos puput mabyakawon, saha samayut prayaścita, malukat matirtha.
 - ca. Rāma réṇa cuntaka sangkaning madruwé oka. Sané lanang cuntaka, suwéné saking mbas anaké alit, kantos kēpus hodēl niané. Raris malukat. Sané istri pinaka réṇa, cuntaka pētang daśa kalih dina saking wahu mbas raréné. Cuntaka sangkaning karuron, patēh ring cuntaka ngēmbasang oka, lanangné cuntaka tigang rahina.
 - ra. Yan wéntén anak istri séda kabēbhēng, minakadi séda ngadut maṇik sang madruwé wirangé cuntaka 42 dina.

3. Cuntaka malarapan antuk kasédayan, kapatian :
 - ha. Yan sang ngarëpin, minakadi sang magënah sajroning karang pomahan sang séda, suwënné cuntaka, saking wawu séda kantos puput pangupacārané punapiké mapëndhëm, lwih yan atitiwa. Macihnyang punah cuntakané antuk marërëbu, malukat.
 - na. Sang polih niñjo, ngarap sawa, ngamël saha ngarëmbat sahétéh-étéh upakāra pula-palining sawa, cuntaka adina, punah cuntakané macihnyang antuk malukat.
 - ca. Yan sang mañjing mijil ring umah sang ngraksa sawa, sasuwén sawa wiadin layoné karaksa, patëh cuntakané kadi sang ngarëpin sawa ika, luwih yan tunggil siddhikara, patëh cuntakané kadi sang ngarëpin sawa ika.
 - ra. Yan mañjing mijil ring umah sang ngraksa sawa wiyadin layon, sangkaning aniñjo, punah cuntakané sasampun husan masiram, saha malukat.
 - ka. Yan sang polih ñëmbah sawa, mangani paridan sawa, punika talër kabawos cuntaka, suwéné cuntaka kantos sasampun husan malukat.
4. Cuntaka sangkaning malakṣaṇa mamitra ngalang. Suwéné cuntaka salaminé mamitra ngalang.
5. Anak wëtu sangkaning smara dudu uthawi tan pawidhi widhana pawiwahan, babiñjat, punika talër cuntaka. Suwënné cuntaka, salaminé durung wéntën mēras, wiadin nuduk ngangkënin piyanak, uthawi nganggën dadaman.
6. Cuntaka sangkaning mabhukti madruwé pañungkan sané tan siddha waras salaminé, kadi hangganing hila, buduh, ngawijilang rëgëd saking silit, bhaga, purus, tan hënap manērës, brung borok tahunan mabañëh, miwah salwir punika. Suwéné cuntaka, salaminé tan waras.
7. Cuntaka sangkaning cédangga sané kabakta saking wawu mbas saking garbhawaśaning ibu. Punika tan kawënanng napak palëmahan pañuciyang gënah ñuci gëning.

8. Yan wéntën sinalih tunggal sang cuntaka antuk ngaraksa sawa wiadin layon, mamanan uthawi mapakayun ngarawuhin karya hayu atma-wédana, minakadi mabhakti ring sang wĕnang kabhaktinin, dados, nanging tan wĕnang nggarap, ngarĕmbat, ñuwun, ngamĕl, saupakĕran puṣpa lingga.
9. Yan wéntën sinalih tunggal krama désa durung tutug cuntaka kadi hucaping harĕp, mamurug larangan, yan wéntën ngatĕngahang ka désa, prakanggĕn désa niwakang pamidaṇḍha, yogya sang mamurug marisuddha sakabwatan manut panglokika.
10. Yan wéntën sinalih tunggal anak istri, sangkaning tan mĕhĕ ngrajaswala sasampun ring pura, wiadin ring gĕnah larangané sawosan, raris kacirĕnan, wĕnang ya tiwakin daṇḍha tanmĕhĕ, yogya marisuddha gĕnah punika, katulung antuk pamakṣan pura wiyadin pangĕmongé sowang.
11. Ri kĕlaning krama désa tĕdun makĕryya, sang kacuntakan hamung dados ring niṣṭa maṇḍhalaning pura uthawi ring jabayan. Yan mamurug wĕnang kadaṇḍha mrayaṣcita.
12. Yan wéntën sinalih tunggal krama désa, kacuntakan antuk ngraksa sawa, wiadin layon, napkala pagilih pagantosan subak babañjaranya ngaci-aci, ring sinalih tunggal kahyangan désa, pacaruwan ring désa, sadurung tutug sĕngkĕr cuntakanya, wĕnang tan tĕdun mayahan, tan dinosan, anghing yan wéntën pasadok sang cuntaka ring prakanggĕn désa. Yan wus tutug cuntakané, patut narĕgtĕg yan kari ngalantur patĕdunané. Mungging piturunan, wawijilan daging salwir ipun, yogya katahur narĕgtĕg sasampun tutug sĕngkĕr punah cuntakané. Dados kahĕtang pangargga.
13. Yan cuntaka gamya gamana, prakanggĕn désa ñ intosang pamutus sang amawa rĕt. Yan sampun wéntën pamutus saking sang amawa bhumi, ring désa katiwakan daṇḍha kadi ring sor puniki, lwiré: mangda mrayaṣcita raga, gĕnah malakṣaṇa, kahyangan balé agung, miwah désa pakraman. Pradé yan sang katiwakan pamidaṇḍha mamandal, prasiddha désa sané mrayaṣcita désa miwah kayangan

- balé agung, sang mamandal kabawosan ring désa, kicchén pamutus antuk prakanggén désa, kicchén ngayah saraja karya, manut pamutus pararém désa.
14. Cuntaka sangkaning mabhukti salah timpal, cuntaka ragan sang malakṣaṇa miwah désa pagēnahanya, tutug cuntakanya yan sampun sang malakṣaṇa mrayāscita pañangaskara raga, gēnah malakṣaṇa, désané mrayāscita désa. Minakadi buroné sané kanggén somah, kapadēmang, tur bangkén ipuné matanēm.
 15. Anak luh bēling tan kapariangkēn, suwémné cuntaka kantos lēkad raréné saha wéntēn pangupakāra pañangaskara kulawisuddha.
 16. Yan wéntēn anak mabhukti ñolong smara, cuntaka patēh ring cuntakan gamya gamana.

Pawos 35

1. Indik Sosot.

- ha. Yan wéntēn sinalih tunggal pacang nahur sosot wiyadin punagi, salwiring punagi, gumanti sané patut nganggēn pamēgat sot, tan dados nahur sot yan tan kālaning dina piodalan Bhaṭāra. Ngadaśa dinayang haci-aci, sang pacang nahur punagi patut sampun masadok ring Kēliang Désa, Kēliang Pamakṣan Pura, yan ring Kahyangan Désa panahurané; masadok ring Pañarikan Désa. Panahuran punagi ika, kapuput antuk Ida Padaṇḍha uthawi Pamangku sasampun putus bantēn pangodalé.
- na. Yan wéntēn sinalih tunggal nahur sasangi pacang ngaturang pangodal, hugi mangda ring dina pagantosan piodalané, sasampun puput pangodal désané.
- ca. Yan wéntēn sinalih tunggal nahur sasangi maturan swaran tangguran salwiring tatabuhan, sasolahan, minakadi salwir ipun, munggwing prabéya punika sami kahangganin antuk sang masasangi.

2. **Haturan :**

Yan wéntěn sang sapasira hugi ngaturang jinah, mwang sarūpaning barang, punika sami patut kahunadikayang antuk Prakanggén Désa, Kéliang pamakšan pura sowang-sawang, mangda kasiddhan mapwara hayu. Haturan punika kaungguhang sajroning lēkita.

3. **Sasarin canang.**

Sasampun puput pangaci-aci pūjawaliné, sasarin canang punika kapupulang saha kawilangin. Kahunadikayang antuk Prakanggén Désa, Kéliang Pura, indik tatiwak kalih pamarggin ipun, sangkaning jati nirmala.

4. **Indik kakalapan ritatkāla krama désa nahur sasangi, manut paswara minakadi kuna drēṣṭa.**

Palēt 2

Indik Rēṣi Yajna

Pawos 36

1. Krama Désa Sibetan, yogya ngawrēddhiyang kaprajñanan, kaultaman Sang Hyang Aji, aséwaka numas pawarah ring sang maraga widagdha prājñan, pingajēng ring sang kasinanggih guru loka.
2. Prakanggén Désa, Kéliang-Kéliang Bañjar, ngutsahayang kawrēddhiyan kamuruban kaultaman Sang Hyang Aji, ngawéntenang pasamuhan-pasamuhan, parēmbugan, pinaka gēnah krama désa mamungguhang pawarah-warah hayu.
3. Kālaning diwaśa hayu, wēnang désa atīrthayatra, wēnang désa ngaturang punia miwah rēṣi bhojana ring Ida Padaṇḍha. Talēr kālaning kāryya utama, ring désa, salwiring kāryya sané kaputus antuk Ida Padaṇḍha patut ngaturang punia. Asapunika talēr ring sang mapitulung patut mawéh dāna.

4. Sang sapasira hugi krama Désa Sibetan yan mapakayun pacang mapodgala, talér mangda wéntèn pasadok pamihuning ring Prakanggén Désa, sajaba patut polih palugrahan saking Guru Wisésa.
5. Sang sapasira hugi krama Désa Sibetan yan pacang mawintèn pinaka pamangku, buyut, kabayan, hugi mangda kasaksinin antuk Prakanggén Désa Sibetan.
6. Prakanggén Désa Sibetan, mamatut pisan, yan krama désané mapunia ring sang prajñan, ring sang widagdha, ring sang satata ngarajégang dharmma, pingajéng ring Ida Padañdha pasūryyān ñané sowang-sowang.

Palét 3

Indik Pitra Yajna

Pawos 37

1. Pamarggi ngupakāra śawa, hugi manut linging śāstra Agama Hindu. Wéntèn makudang-kudang soroh, sakadi kinucap ring sor puniki :
 - ha. Mapēñdhēm ring prathiwi.
 - na. Makingsan ring ghni,
 - ca. Atiwa-tiwa, uthawi palēbon uthawi ngabén.
 - ra. Yan raré durung makupak huntu, wus kēpus hodél hantaka, wēnang nganggé pangéntas bangbang masadhana klapa gadhing, ngaran ngalungah, tan wēnang tiniwākén.
 - ka. Yan raré durung kēpus hodél hantaka, pamali ngaran, pēñdhēm juga tan hana pangupakāranya, kēwala gantén uthawi hadēm paicchan Ida Padañdha.
2. Sang sapasira hugi Krama Désa Sibetan, tan kawaśa makta śawa ka désa pakraman, yan śawa ika sampun kēni pangupakāra śawa. Yan wéntèn mamurug, yogya katiwakan dañdha, mrayāścita marisuddha désa.

3. Salwiring upacāra atiwa-tiwa, palēbon, ngabén, ring sétra hugi kawēnanganya, tan wēnang ring désa pakraman. Sajaba maśmi puşpan Ida Padaᅇᅇa. Palēmahan gēnah tunon punika, yogya paᅇrayascita sinangaskāra, sasor ipun sasāmpun solas dina puput patatiwané. Yan wéntēn mamurug, wēnang daᅇᅇha marisuddha désa, krama désa sang atatulung daᅇᅇha artha manut pangargan bēras akilogram kang sadiri.
4. Yan wéntēn krama désa ngurung śawa, macamaᅇa, mabrēsih, kawēnanganya, tan kalugra lintangan ring pētang daśa kalih dina ngawit saking dinané séda. Yogya mūrᅇnana tilēm, miwah salwiring upacara rarahinan.
5. Tan kalugra ngurung śawa, yan sajroning Désa Sibētan kawangunang Karyya Agung kantos ᅇuci gēning, lwiré matabuh gēntuh, bhaᅇāra turun kabēh, kāryya Agung ring Basakih. Yan puşpan Ida Padaᅇᅇa yogya, nanging tumpang saluné tēdunang saking baléné, gēnahang ring natah umahé, saking Bhaᅇāra kodhal kantos Ida masinēb. Damar kurungé sajroning karang.
6. Yan kālaning tēdun sēkar uthawi ngēmpēt ring désa, yan wéntēn ᅇēkēh śawa, sēngkēr ipun pētang daśa kalih dina, nanging hugi mangda magēnah ring tēpisiring Désa Pakraman Sibētan, uthawi ring sétra pakraman.
7. Tan wēnang ᅇēkēh śawa yan tan macamaᅇa, mabrēsih, lintangan ring roras dina, ngawit saking dinané séda. Yan wéntēn mamurug, daᅇᅇha gung artha manut pangargan bēras 10 Kilogram saha mrayascita désa.
8. Sang sapasira hugi Krama Désa Sibētan tan wēnang atitiwa, ri kāla pangaci-acin Désa, lwiré usabha, Patirᅇhan patotoyan ring Pura Pusēh minakadi pura paᅇnungungan désa sané sawosan, Bhaᅇāra Turunkabēh, tabuh gēntuh, kāryya agung sawosan, ngawit saking nēgtēgang daging kantos Bhaᅇāra masinēb. ha. Yan karyya matabuh gēntuh, bhaᅇāra turun kabēh, minakadi salwiring kāryya sané ᅇuci gēning, saking ngawit ᅇuci kantos Bhaᅇāra puput masinēb. na. Yan wéntēn mamurug, daᅇᅇha mrayascita désa, minakadi krama désa sané matulung daᅇᅇha gung artha manūt pamutus pararēm kala punika.

9. Yan wéntèn krama mēndhēm śawa kālaning dina malarang, kawaśa, nānghing hugi masawén, durung magagumuk masusunin bintak, laku kingsan ngaran.
10. Yan makingsan ring ghni, śawa ginēsēng, hasti hinañut, manut krama. Yogya nganggé tirtha pabrēsihan. Mungging déwaśa, sa sor ipun déwaśané dados margginin mēndhēm śawa.
11. Indik padéwaśan :
 - ha. Padéwaśan mēndhēm ring prathiwi, makingsan ring ghni, wēnang katiwakang antuk Prakanggén Désa.
 - na. Padéwaśan atiwa-tiwa, katiwakang antuk Ida Padañdha sané pacang muput, yogya sampun kapatut antuk Prakanggén Désa.
 - ca. Indik larangan ngupakāra śawa, sajaba ngunggahang ka tumpang salu, sané kamanggēhang sajroning Désa Pakraman Sibetan, Iwiré: Buda Wagé, Saniścara Kliwon, Anggara Kliwon, Radité Umanis. Śukra Pwon, Saniścara Wagé, lan Radité Kliwon, ikā sēmud sadulur. Śukra Kliwon, Śaniścara Umanis, lan Radité Pahing, ikā kāla gotongan. Miwah ring dora, ring tanggal panglong ping 15, tanggal panglong ping 14, miwah tanggal panglong ping 1. Wrēhaspati, nuju tanggal, panglong, ping, 1, 8. Yan ring Wrēhaspati ingkēl Wong, ingkēl wong. Yan wéntèn sinalih tunggal mēndēm śawa kala dina larangan désa, dados, nānghing durung dados magagumuk bintak miwah sané sawosan, hugi mangda mapaloñcor, masawén.
 - ra. Tan wēnang ngagah ngulung, tēgēs ipun, sajroning sétra tunggil, tan dados mrēsihin śawa, nuju dina pangutangan yan ring sétra punika wéntèn ngalaksanayang pangabénan. Yan wéntèn mamurug, dañdha gung artha manūt pamutus pararēm, saha mrayaścita sétra.
 - ka. Tan wēnang ngutang ngirim, tēgēs ipun, sajroning sétra tunggil, yan wéntèn ngirim, tan dados sané sawosan mēndhēm śawa, minakadi atiwa-tiwa, ngabén, ring dina punika. Yan wéntèn mamurug, yogya dañdha gung artha manūt pamutus pararēm, saha mrayaścita sétra.

12. Yan wéntën sawa tan kaparihangkën ring wawëngkon Désa Pakraman Sibetan hingaranan bédagan désa, yogya prakanggén désa nguduhang krama désa mëndhëm ring sétra pangilang-ilangan, sasampun polih lugraha saking sang amawa rât. Kicchén bubuk pirata saking désa.
13. Yan sawa sangkaning salah pati, angulah pati, mati kapangawan, minakadi salwiripun, désa tan ngalarangin, yan sawa punika tiniwäkën pramangké. Sara lédang sang madruwé, minakadi Ida Padañdha sané pacang muput.
14. Yan wéntën sinalih tunggal sawa, gënahé séda wiadin padëm sajabaning karang pomahan, lwiré: ring tégel, ring carik, pura, pasar, bañjar, sèkolah, minakadi gënah sawosan dudu karang pomahan, yogya sang madruwé wirangé mrayaścita marisuddha gënah punika. Yan sawa tan kaparihangkënan, gënah punika patut kaparisuddha kaprayaścita antuk sang madruwé hëmponan.
15. Salwiring pitra yajña yan wéntën durung mungguh ring awig-awig puniki, patut nganutin Gagaduhan Désa, Purana, Paswara miwah drëṣṭa kuna sané kantun kahanutin, tan singsal ring sāstra agama.

Pawos 38

Indik Angatma wédhana.

1. Sang sapisira hugi krama désa Sibetan, yan kâlaning angatma wédhana, lwiré : Ngaroras, patilëman, baligya, tan wënanng ngawangunang payajñan, pétak, ring palëmahan Pura Kahyangan Désa, minakadi kayangan sawosan.
2. Sang sapisira hugi wus ngawangun karyya angatma wédhana, yogya karang payajñan ika kapraliṇa, sakasépipun pétang daśa kalih dina saking dina kâryyané.-

Palèt 4

Indik Manusa Yajna

Pawos 39

1. Sang sapisira hugi Krama Désa Sibetan, ngawangunang salwiring upacara manusa yajña, tan wenang magénah ring wawidangan palémahan kahyangan pañwiyani désa. Yan wéntén sinalih tunggal mamurug, wenang dandha gung artha manut pamiutus pararem, saha mrayasica manisuddha pura punika.
2. Sané kalugra mawintén magénah ring pura sinalih tunggal, sang sapisira hugi krama désa sané pacang kahadégang dados pamangku, buyut pinaka jan bangga Bhatara ring pura kahyangan hinucap. Taler sané kahadégang pinaka Prakanggén Désa, wenang mawintén majaya-jaya ring Pura Puséh Sibetan.
3. Indik manusa yajña sané dados kamarggiyang sajroning Désa Pakraman Sibetan hugi sané nganutin dresta kama natakahi sastra Agama.

Palèt 5

Indik Bhuta-Yajna

Pawos 40

1. Sajroning Désa Pakraman Sibetan, pacaruwan manut hunggwan, kalih sor singgih, manut Gagaduhan, Purana Désa Sibetan, Iwiré:
ha. Sané kawangunang sadakāla
na. Pacarun désa padgatakāla, ni kāla jagatē kabrēbēhan, kagringan, kadurmanggalan, katibén pañca-bhaya, miwah sané sawosan sané patut caronin.
ca. Agung alit caru, manut hunggwan acaru, babwatan pacaruwan, kalih niṣṭa madhya uttamaning caru.

2. Pacaruwan ring pura-pura kahyangan, pamrajan, dadya, salwiré, mamut drēstan pura sowang, minakadi awig-awig gagaduhan pura hinucap.
3. Pacaruwan ring bañjar adat, sajroning Désa Sibetan ngararis pacaruwan ring karang pomahan sowang-sowang, kâla dina Tileming, sasih Kasanga, kalanturang antuk brata pañëpian.
4. Yan wëntën sinalih tunggal pura kahyangan, salwiré, rënëng pacaruné kantos tigang plabuh, wënanng prakanggén désa mamawosin. Yan wus puput babawosé, yoga maguru piduka, ngawit masasapuh, mangda kasiddhan ngaturang pangaci-aci.

SAT SARGGAH

SUKRĒTA TATA PAWONGAN

Palët 1

Indik Rangkat

Pawos 41

1. Indik rangkat punika, manut désa kâla patra, mwanng sima drēta, sané kapatutang tur katinutin antuk krama désa sowang-sowang, tan singsal ring ugër-ugër panagara, lwiré:
 - ha. Papadikan.
 - na. Ngarangkat, ngarorod.
 - ca. Ngunggahin.
 - ra. Narimén uthawi katriménan.
2. Sajroning Désa Pakraman Sibetan, indik rangkat ika yan sampun mawidhi widana pawiwahan, saništanya mabiyakawon tur malukat, saha sakši-sakši, rangkat punika kasinanggah puput palikrama.

3. Yan wéntën anak istri krama Désa Sibetan, karangkatang antuk sang sapisira hugi, lwih antuk anak saking dura désa, yan kantos arahina ring awéngi saking dina matinggalé saking jumlah tan wéntën pasadok, pajati, yogya sang madruwé wirangé nunas kanti ring Prakanggén Désa Sibetan, mangda ngamarggiyang sasrèpan. Yan sampun sinah gérahnya, ngraris kamarggiyang panégdég, saréng ring Guru Wisésa.
4. Sang sapisira hugi krama Désa Sibetan, yan karawuhan tamyu praya masinutan malarapan antuk ngarorod, hugi mangda masadok mihuningang ring Prakanggén Désa, Prakanggén Désa yogya maritētēs, yan sangkaning tan patut pamarggin rangkatnya, Prakanggén Désa nguduhang mangda katur ring sang amawa rāt. Yan wéntën mamurug, yogya sang mamurug dandha gung artha manut pamutus pararēm, Paswaran Désa Sibetan.
5. Yan wéntën sinalih tunggal krama Désa Sibetan, ngamēt anak istri antuk mléngandang, maméndēt, marikoša, miwah salwir ipun, tan sangkaning sami dēmēn, minakadi sané tan manut ring sima drēṣṭa kalih sāstra agama tan yogya pinuput widhi widhana pawiwahanya sadurung wéntën panutus saking Guru Wisésa.
6. Yan wéntën sinalih tunggal saking dura désa, pacang muput rangkat ka wawéngkon Désa Pakraman Sibetan, sang madruwé wirang luh yogya nunas pasaksi ring Prakanggén Désa Sibetan, sinalih tunggal mangda wéntën ngarawuhin.
7. Yan wéntën anak istri saking Désa Sibetan marangkat ka dura désa, ri tatkāla mapuputan ñongkol ka umah wirangé istri, patūt ngaturang panēbas kanya, ka Désa Pakraman Sibetan, gung artha manut pangargan bēras 25 kilogram.
8. Yan anak istri saking Désa Sibetan marangkat, ngarorod, saréng anak lanang wédésa Sibetan, ri tatkāla pacang mapuputan ñongkol ka umah wirangé istri patūt kasākšinin antuk Prakanggén Désa Sibetan.

9. Yan wéntěn krama Désa Sibėtan pacang ngawangun yajña, mamuwatang śakṣi Prakanggén Désa Sibėtan, sa sor ipun nigang dinayang patut sampun masadok wyadin matur huninga, ring Prakanggén Désa Sibėtan.

Palėt 2

Indik Bėlas Makurėnan Uthawi Nyapiyan

Pawos 42

1. Sanė kabawos ñapiyan, punika sang palas marabi, palas makurėnan, sanė sampun katiwakan pamutus antuk Guru Wisėsa.
2. Yan wéntěn sinalih tunggal krama dėsa, ngarangkatang sapiyan, sadurung tigang śasih uthawi 105 dina, saking dina palasė, yogya sang ngarangkatang sapiyan punika kėni daᅇdha pakėrang gung artha manut pamutus pararėm.
3. Krama dėsa sanė bėlas marabi uthawi makurėnan, sasampun polih pamutus saking Guru Wisėsa patut masadok mihuningang ring Kėliang Bañjar, Prakanggén Désa Sibėtan mangda kadanyakang ring bañjar ring dėsa, sakasėp ipun aśasih saking palasė.
4. Yan wéntěn anak istri wit saking wawėngkon Désa Pakraman Sibėtan, ñapiyan ring dura dėsa, mawali ka dėsanya, yogya sang madruwė wirang matur supėkša ring Prakanggén Désa, saha mrayascitta marisuddha anakė luh punika. Yan tan kaparisuddha antuk wirangnya, patut marisuddha raga, mangda kasinanggih nirmala.

Palėt 3

Indik Balu

Pawos 43

1. Sanė kabawos balu, anak istri katinggal sėda antuk rabinė. Yan anak lanang sėda rabinnė, wiyadin katinggal ñapiyan, talėr kawāṣṭanin balu.

2. Yan wéntën sinalih tunggal krama désa lanang balu, wiyadin istri balu, yan santanané durung hantës mâyahan, patut balu punika mâyahan asélé.
3. Yan wéntën lanang balu, madruwé santana uthawi oka istri sampun hantës mayahan manut panglokikan Prakanggén Désa Sibetan, kabriyukin antuk Paruman Désa, yogya mayahan bulangkëp.
4. Yan wéntën anak istri balu, madruwé santana uthawi oka lanang sampun hantës mayahan, yogya mayahan bulangkëp.
5. Yan wéntën sinalih tunggal anak istri balu, marangkat, yogya rangkat punika kapuputang antuk wirang lakiné rihin, yan babalon punika kari pagëh.
6. Mungging wawénangan babalon luh uthawi rangda, ring indik wawarisan, minakadi sané sawos-sawosan, nganutin hugër-hugër sané karajëgang antuk Guru Wisésa.

Palët 4

Indik Santana

Pawos 44

1. Sajroning Désa Pakraman Sibetan, ngarajëgang pidabdab santana kapuruša siddhikara tunggal, papërasan, tunggal dadya.
2. Sang sapasira hugi sinalih tunggal krama Désa Sibetan, mëras santana, nuduk mantu, makëdihang uthawi ñërahang raga, yogya sangkaning radin, tunggal siddhikara, tunggal dadya, saha polih palugrahan saking Guru Wisésa.
3. Indik nuduk mantu, ñukşrahang raga, sasampun polih palugrahan saking Guru Wisésa, yogya kadulurin antuk upacâra manut šâstra Agama Hindu, sakabwatan sowang, sinakşënan déning Prakanggén Désa Sibetan.
4. Indik mëras santana, sasampun puput upacara pamerasan manut sastra agama Hindu, yogya polih lëkita pamikukuh saking Guru Wisésa.

Palèt 5

Indik Wawarisan

Pawos 45

1. Lwiré sané wĕnang kawarisin :
 - ha. Hamong-amongan ring désa, ayah-ayahan saurah-arih.
 - na. Hutang, pihutang sang kawarisin.
 - ca. Saraja druwé, bhraṇa, tĕgal, carik, tatamiyan, sakañcan kasugihan.
 - ra. Sangkaning polih pitĕmĕs saking sang madruwé salwir sané dados kawarisang, pinih akĕh apahtigayan saking padruwéyan ñané maka piolih-olih pagunakayan saha macihna lĕkita pamikukuh saking Guru Wisésa.

2. Sané wĕnang ngawarisin :
 - ha. Manut lalintih paprĕnahan adoh tampĕk saking puruṣa tunggal siddhikara tunggal dadya.
 - na. Putra dadaman wiadin putra papĕrasan.
 - ca. Mantu dadudukan, minakadi santana saking nuduk mantu.

3. Sang sapisira hugi krama Désa Sibĕtan, yan tilar saking Agama Hindu, tan yogya ngawaris sané kamulan patut warisin.

4. Ngĕdum wawarisan, kapatut sasampun puput mahabĕnang sang ngawarisang braṇa kalih kasugihan punika. Sané dados dum, sajaba sané manggé padagingan pangaci-aci, minakadi salwiring sané manggé piranti ngalakṣaṇayang upacāra Agama, pustaka-pustaka sané kapingitang salwir ipun.

**SAPTAMA SARGGAH
WICARA LAN PAMIDAᅇDHA**

Palēt 1

Indik Wicara

Pawos 46

1. Salwiring wicara indik pakraman, ring wawidangan Désa Pakraman Sibetan, wēnang rinawosan antuk Prakanggén Désa. Yan tan kasiddhan puput, Prakanggén Désa ngaturang ring Guru Wiśéša, bwat matatimbang.
2. Yan wētēn wicara indik pakraman ring bañjar, pamakšan, subak, minakadi sēkēha-sēkēha sawosan, yogya kabawosan antuk prakanggénya sowang, yan tan kasiddhan puput, wēnang katēngahang ka désa, Prakanggén Désa yogya mamawosin.
3. Yan pamutus wicara sané katiwakang antuk Prakanggén Désa Sibetan, tan katinutin uthawi tan kahiring antuk sang mawicara, wēnang sang mawicara nunasang pangrawos ring sang patut mamawosin, ring Guru Wiśéša.
4. Yan sang mawicara talēr tan tinut ring pamutus wicara sané katiwakang hinucap ring hajēng, prasiddha sang mawicara kasēpékang saking désa, kantos puput wicaranya, došané mamandal ring désa. Sasēpékan punika manut Pamutus Pararēm Désa.

Palēt 2

Indik Pamidaᅇdha

Pawos 47

1. Lwiring pamidaᅇdha sané wēnang katiwakang antuk prakanggén désa, tinggi, swaka, bañjar adat, subak, pamakšan, sēkēha-sēkēha sawosan, sawawēngkon Désa Sibetan, sakadi ring sor puniki :

- ha. Dandha artha.
 - na. Upasakṣi, déwa sakṣi, pangrarata, sumpah.
 - ca. Dandha pañangaskara, lwiré: mrayaścita, marisuddha, miwah salwiripun.
 - ra. Pamidaṇḍha sawosan manut palugrahan Guru Wiśeṣa.
2. Patiwak pamidaṇḍha, manut hunggwan wicarané sowang-sowang, minakadi wěrat ringan wicara hinucap, lwiré :
- ha. Yan wicara ring Désa Pakraman, yogya kapidaṇḍha antuk désa. Munggingwina dadanḍhan mantuk ka désa.
 - na. Yan wicara ring bañjar adat, tinggi, swaka, katiwakin pamidaṇḍha ring bañjar adat, tinggi, swaka, dadanḍhan mantuk ka bañjar adat, tinggi, miwah swaka.
 - ca. Yan wicara ring Dalēm, ring Subak, ring Pamakṣan minakadi ring sėkėha-sėkėha sawosan, katiwakan pamidaṇḍha ring kuwu tėmpėkanya sowang. Munggingwina dadanḍhan mantuk kajroning kuwu tėmpėkanya.
3. Agung alit dadanḍha, manut panglokikan agung alit wěrat ringan kasisipanė, sanė munggingwina ring awig-awig gagadhuhanya sowang, minakadi paswara pinaka pamutus pasamuhan

ASTHAMA SARGGAH
NGUWAH-NGUWUHIN AWIG-AWIG

Pawos 48

- 1. Sanė wėnang uwahin inggih punika, pasukrėtan, paswara, pamutus pararėm, wiadin pamutus pasamuhan miwah sanė sawosan sapanunggilanipun.
- 2. Sanė wėnang uwuhin inggih punika, pasukrėtan, paswara, pamutus pararėm, wiadin pamutus pasamuhan miwah sanė sawosan sapanunggilanipun.
- 3. Indik nguwahin kalih nguwuhin pasukrėtan, paswara, pamutus pararėm, wiadin pamutus pasamuhan miwah sanė sawosan, manut tata kramaning pasamuhan.

4. Indik nguwahin kalih nguwahin awig-awig, mami tala kramaning pasamuhan, sasampun nunas tatumbang ring Guru Wéda kalih polih palugrahan sang amawa bhumi.

NAWAMA SARGGAH

P A M U P U T

Pawos 49

1. Awig-awig puniki mawasta: "Awig-Awig Désa Pakraman Sibetan".
2. Awig-awig puniki pinaka bantang karembe antuk Gagaduhan kalih Purana Désa Pakraman Sibetan.
3. Awig-awig puniki pinaka bantang sahananing paswara, pasukrétan, miwah salwiripun, sané manggé ring sowang-sowang bañjar adat, tinggi, swaka, pamakšan pura, subak, sékèha-sékèha sané wéntén sajroning Désa Pakraman Sibetan.
4. Bañjar adat, tinggi, swaka, pamakšan, subak, sékèha-sékèha sané wéntén sajroning Désa Pakraman Sibetan wénang ngawangunang pasukrétan, paswara, gagaduhan, sowang-sowang, nanging dagingipun tan yogya singsal tungkas ring Awig-awig Désa Pakraman Sibetan.
5. Salwiring sané durung mungguh ring Awig-awig puniki, kaungguhang sajroning paswara, pamutus pasamuhan Désa Pakraman Sibetan.
6. Drésta kuna sané kari dados anggé, yan tan tungkas ring daging awig-awig Désa Sibetan manut kojaring śastra Agama Hindu, hanut ring Ugér-ugér nagara, saha kaputusan sajroning paruman Désa Pakraman Sibetan.
7. Awig-awig Désa Pakraman Sibetan, pawangun Krama Désa Sibetan, kapastika manut upacara Agama Hindu, kala dina Wrehaspati, Pon, uku Uyé, śasih Kapat, Purnama, rah 6, ténggek 2 Isaka 1926, magénah ring Pura Puséh Sibetan, kapuput antuk Ida Padandha Gedhé Wayan Pasuruan, saking Griya Kawan Sibetan.

8. Awig-awig puniki kalingga tanganin antuk Ida Padañda pinaka linggan désa, Prakanggén Désa, numakadi Kéliang Désa, Pañarikan, Sahing, saha kasaréngin antuk Kéliang-Kéliang banjar adat, Panitia Pembangunan Désa pakraman Sibetan, kasaksmin antuk Kéliang-keliang Dinas Sibetan, Kéliang-kéliang Dinas Jungutan, Perbekel Sibetan, Perbekel Jungutan, Camat Bēbandém, kakukuhang antuk Bupati Karangasem.
9. Awig-awig puniki kalaksanayang ngawit dina pamañtika pamlaspasé, kantos salantur ipun.
10. Lwir sang ngalingga tanganin:



I Wayan Subadra

Prakanggén Désa:

2. Pañarikan Désa nthawi Tatindih

I Wayan Koya

3. Sahing Désa

I Wayan Gédé

4. Tatinggi Désa,

ba. Tatinggi Désa Tēmpék Kangin,

I Gusti Gédé Putu

na. Tatinggi Désa Tēmpék Kélod

I Gusti Madé Tanggan

ca. Tatinggi Désa Tēmpék Kalér,

I Gusti Gédé Jelantik

ra. Tatinggi Désa Tēmpék Kawuh,

I Madé Nésa

Kalēkitayang ring Kantor Bupati Karangasēm:

duk rahina, Wrēhaspati, tanggal Masēhi 28 Oktobēr 2004.

Register Nomor: 09 / X / 2004.



BUPATI KARANGASEM,

(Gede Sumantara Ady Prenatha)